

皇

明

從

信

錄

祭人

教化神速

皇明從信錄卷八

東莞 陳 建輯

秀水沈國元訂

癸亥

洪武十六年

正月宋訥為國子監祭酒曹國公文忠領國子監事

時太學初設學徒日衆師生相許教尼不行故簡用公
又以學中多公侯子弟欲得威望重臣鎮壓之令曹國
公領監事助糾繩訥性嚴重推恩義身言並教鑒礪不
遺餘力寢食學箱不復家宿一時上皆遵用上親御
制詞褒之適病遣中使諭賜寧天命之性發仲尼之誠
施已之幽德修道教人所以病不病而速差以其有神
也又嘗言宋祭酒骨格必壽適有盡工至命繪
其像甚肖上喜已念其老召其子麟侍養

上曰人主不能無好尚要當慎之蓋好功則貪名者進好
財則言利者進好術則游談者進好諛則巧言者進夫偏

能盡物情
之高明

猶誠錄

於所好者。鮮有不累其心。故好功不如好德。好財不如好廉。好術不如好信。好諛不如好直。夫好得其正。未有不治。好失其正。未有不亂。所以不可不慎也。○上觀唐太宗帝範。謂侍臣曰。此雖非帝王精微之道。然語意備至。曲盡物情。使其子孫克守其言。亦足爲訓。自後女主竊柄。有乖君體。骨肉少恩。有乖建親。諂諛並進。有乖求賢。中見者忌之。讒佞者悅之。驕奢縱佚。罔知戒懼。夫且政令不行于天下。夫且小人朋比於國中。卒召藩鎮之禍。而唐祚遂衰。有國家者。其可不守祖宗之法乎。

二月吳沉等進精誠錄。先是上謂沉等曰。朕閱古昔帝

王其垂訓立教大要有三曰敬天曰忠君曰孝親君能敬天臣能忠君子能孝親則人道立矣然其言散在經傳未易會其要領爾等其以三事以類編輯至是書成上之賜名曰精誠錄○傳友德等平蒙化府鄧川州破佛光砦過金沙江攻北勝府擒僞平章高生復平麗江府平津等州前後斬首一萬三千餘級蠻民降者四十萬戶上以雲南平命耿炳文往諭傳友德班師沐英留鎮雲南麗川之外有國曰緬車里之外有國曰八百媳婦皆請內附○上諭刑部尚書開濟都御史詹徽等曰凡論囚須原情不可深入人罪昨民有子犯法當死其父行賄求免御史并

慎刑之至

欲罪之。朕以父子至親。子死而父救之。人之至情也。故但論其子而赦其父。自今凡有論決。必再三詳讞。覆奏而行。毋重傷人命。

聖訓

三月命刑部尚書開濟議定詐僞律條。○上與侍臣論歷代創業及國祚修短。侍臣皆曰。前代祚運之長。莫逾成周。其次莫如漢。諫議大夫唐鐸進曰。三代以後。起布衣有天下者。咸稱漢高帝。陛下而已。以臣觀之。漢高除秦苛法。雜霸不純。陛下革胡元弊政。一復中國先王之舊。所謂撥亂世。反之正。漢高不事詩書。陛下留心聖學。親洒宸翰。制諭萬方。卓然與典謨訓誥相表裏。是又豈漢

高所能及哉。上曰：此不足論。周家奕世積德，以有天下。然使其後君非成康，臣非周召，益修厥德，則文武之業，何能至八百年之久乎？使其後世子孫皆如成康，輔弼之臣皆如周召，則可以祈天永命，國祚愈昌。侍臣頓首曰：誠如斯言，宗社萬年之福也。

四月，令都司上衛所城池水陸地理圖。

六月，上御謹身殿，吳沉等進講周書：『國則罔有立政，用儉人。』上曰：『有小人，必敗君子。故唐虞任禹稷，必去四凶。』魯用仲尼，必去少正卯。小人巧於悅上，恐於賊下。人君者，喜其順適已意，任其所爲，受害者必多。怨將誰歸？譬如犬

馬噬人人不怨畜犬馬者乎。沉曰：小人中懷奸邪，而其言甚似忠信，不可不察。上曰：察之亦不易，小人善於逢迎，彼知人主所樂爲者，不顧非義，乃牽合附會，曰是不可不爲。知人主不樂爲者，不顧有益於天下國家，亦牽合附會，曰是不必爲。此誠國之賊也。自古以知人爲難，而知言亦不易也。

七月定武職妻妾封贈例。○定文官封贈廕叙例十一條。○遣御史錄囚于諸省。上諭都御史詹徽等曰：民之休戚係守令之賢否，激濁揚清則風紀之官實司之。今御史及按察司、巡歷郡縣，凡官吏賢否、政事得失、風俗美惡，軍

刑高悉宜究心若徇私背公矯正沽名奇察重罰受其
獄遺奸不究見善不舉皆爲失職卿等其宣布朕意令
其知之

九月令征南將軍申國公鄧鎮左右副將軍臨江侯陳璘
等寧侯顧敬率兵討龍泉山寇平之

十月給諸番國勘合上以海外諸國進貢信使往來真
偽難辨遂命禮部置勘合文簿發諸國俾往來俱有憑信
稽考以杜奸詐之弊但遇入貢咨文具於所經各布政司
比對勘合相同然後發遣于是暹羅占城琉球等五十九
國俱給勘合文冊○頒鄉飲禮圖式○高麗遣使張伯崖

清來貢以違命却之令禮部諭王

拔朝鮮周封箕子國也秦遼東外徼漢初為燕衛滿所據武帝取焉真番臨屯等國玄菟四郡漢末為公孫氏所據魏滅公孫氏并其地高麗高麗本扶餘別種王高麗居平壤即樂浪已而東徙鴨綠江東南于倉里後唐時王建代高氏并有新羅百濟又徙東松岳以平壤為西京于祚遣使朝貢宋遼金四百餘年元至元中南京內屬置東寧總管府其國東西南濱海北鄰女真西北至鴨綠江東西兩距二千里南北四千五百里分八道統府州郡縣府不設知文字喜讀書崇釋尚鬼惡殺最折風車板大如板男女相挽為婚死三年始葬飲食用俎豆官制開城侯居昔罕茨亥多麻崇以田制禁以杭蠶酒法無苛條刑不慘毒山川九都神靈壯岳海鴨綠江為大府金銀鐵山品鹽銅芋布白礬紙狼尾筆果丁馬長尾貂貂狗海狗皮八精魚昆布布稅茶棹樁人參茯苓之屬國朝洪武二年即奉表稱臣到貢不絕其達約不恭故諭責之

女陸侯吳復卒于貴州追封黔國公塑像祀于功臣廟

鞏昌侯郭興卒追封陝國公

休典與滁陽王同名故止名典其父郭山南謚
孝慈
十徵時命諸子謹事復以女入侍後為皇寧妃
廟嘗攝六宮事山南追封榮國公次
子英亦封武定侯德成驍騎指揮

十一月命太常丞張來儀為滁陽王廟碑子興女亦為皇妃生蜀王及

薛王如意王如
○禮部奏定歷代名臣祀典從之

古史功在
千區德及
可以不止
數則此或
一於因郭
司之請所
於亦當矣

秦蜀守李冰鑿山壅流以備水旱民始殷富漢文翁為
蜀守仁愛化民興學教子弟來張詠為蜀守民畏而愛
之李冰已載祀典文翁與詠未及奉祀宜與李合為一
祠漢循良密令卓茂河南丞縣有勸祀黃霸鈞州祠之
宜并而祀之以昭隆典吳人陸遜及子抗從子凱當三
國時文武兼資為吳將相以亮定國松江舊祠址尚存
宜令有司葺祠致祭四川隆川土紳垂休侯李範還臣
事于梁築城保障川蜀邦人祀之雨暘疾疫祈時必應
嘉秋仁際諫立廣陵王復唐社稷嘗謫為彭澤令彭澤
舊有祠宇理宜褒祀謝夷甫肅宗時為京畿令孟堤押

兵過境縱掠百姓夷甫撫而斬之李輔國潛之於朝流
建州卒徙于既寧後見夢于帝立廟賜名靈通封武英
侯元九江路總管李輔與其姪秉昭隔難死節廟食于
九江義兵萬戶李宗可從余闕守安慶城陷闕死宗可
自刎余闕既立祠安慶宜以李宗可配享皆從之

十二月初令儒學歲貢生員○降大學士吳宗伯爲檢討
尋卒

宗伯金谿人中開科狀元性勁直嘗指斥朝惟庸累經
遷謫大節不同初業文議者賞之曰此兒玉光初氣終
不能掩所著有南宮使文成均玉堂諸集

甲子 洪武十七年

正月魏國公徐達鎮守北平○以孔子五十七代孫訥襲
封衍聖公○旌表山陰縣民徐允讓及其妻潘氏孝節

元祿廢教
不問其以
夫單之後
倫世為然
聖祖亦然
孝其其亦
此氏之有
務也
徐張夫婦
行孝于父
母一殿而
其遇有客
不幸而君
子悲之

後元末兵亂。張山清奉其父安。避兵山中。遇寇。所安。頭
流血。張山清大呼曰。寧殺我。毋害吾父。寇捨安殺張。將
辱。張山清曰。夫死從汝。必矣。若能焚我夫。則無憾也。寇
信之。縱火焚張。其夫大呼。火方熾。張山清即投火中死。寇驚歎
而止。安得不死。至是有司以聞。詔旌其門。時又有張宗
魯者。為里人。因歲失。即二十遭亂。負母。路氏逐。其妻
之。宗魯以行。其妻賣卜以為養。日給不足。妻抹野萊以繼
之。宗魯既定。奉其妻還鄉。竭力供養。母卒。仍求其前。摩吳
氏。宗魯氏遺骸。合葬。其墓。禮部以聞。上

日。宗魯以替子而能行孝如此。命旌其門。

二月更定都察院官。詹徽為左都御史。○定吏員資格。○

詔建三法司于太平門鍾山之陰。名曰貫城。勅言貫索七

星。如貫珠環而成象。名天牢。中虛則刑平。官無私邪。政平。

訟理。獄無囚人。若凡星處貫內者。刑官非人。若中有星而

明為貴人無罪而獄。今法天道置法司。汝法司官各勵乃

全委以人
事急大義
第而可驗

方定科式
旋申薦本
之令文行
交相為用
也

皇明後信錄 卷八
心。慎。乃。事。法。天。道。行。之。如。貫。索。星。之。中。虛。然。庶。不。負。朕。肇
建。之。意。欽。哉。

三月大赦天下。○頒行科舉成式。三年一大比。自是遂為
定制。○詔舉秀才。人才。其法令有司會同境內耆宿訪求
德行聲名著於州里之人。先從鄉里保舉。有司再驗言貌
書判。方許進呈。若不行公同精選者。坐以重罪。

曹國公李文忠有疾。上與東宮臨幸其第。
觀之。是月丙戌卒。年四十有六。上痛悼。輟朝。親製文。遣
使致祭。追封岐陽王。謚武靖。賜葬鍾山。配享太廟。塑像
功臣廟。位皆第三。

分列了然
本
風固自有
種相行經
也云為種
聖祖為保
中則公

按文忠翁量沉悶人莫測其際感陣踞奮發至遇勁敵騰氣益壯東征西討建立殊勳威振遐邇名播華夷性好學餘行釋兵家尾恂恂若儒生嘗師金華胡翰論明性理之學出為詩詞皆雄壯可觀上嘗命義領國子監事可謂文武全才矣子景隆襲封曹國公

四月 上謂諫議大夫唐鐸曰言有邪有正正言務規諫

邪言務諛諛言近于忠諛言近于愛惟不惑于諂言則聽日聰而讒人自去不眩于諛言則智日明而佞人自絕又曰朕日總萬幾所行有得失非資人言何由以知故廣開言路以來衆言言有善者則獎而行之風聞不實亦不加罪惟讒佞面諛者決不可容也○傳友德等凱旋至京論功進封友德穎國公食祿三千石封郭英武定侯胡海

東川侯陳桓、普定侯張翼、鶴慶侯並食祿二千五百石。並
賜錢券。子孫世襲。其仇成、張龍、王弼先已有功。身受封侯。
今功著征南。當及子孫。世世承襲。亦加祿二千五百石。吳
復、金朝興先卒。亦授世襲侯爵。錢券加祿同。餘陞職賜金
帛有差。○更定內侍監局司庫門官品職。○諭遼東守臣
絕高麗。

五月鄒俊爲大理卿。

六月令朝覲官上土地人民圖。上覽輿地圖。侍臣有言
輿地之廣。古所未有者。上曰。地廣則教化難周。人衆則
撫摩難徧。此正當戒慎。天命人心。惟德是視。紂以天下而

二者禮樂
之極遠矣
操者也

亡湯以七十里而興所係在德豈在地之大小○上御奉
天門諡羣臣曰治天下之道禮樂二者而已若通於禮而
不通於樂非所以淑人心而出治道達於樂而不達於禮
非所以振綱紀而立大中必禮樂並行始治化醇一若刑
政二者不過輔禮樂爲治耳苟治徒務刑政則在上者雖
有威嚴之政必無和平之美在下者雖存苟免之心終無
格非之誠大抵禮樂者治平之膏粱刑政者救弊之藥石
卿等于政事之間宜知此意慎毋以禮樂爲虛文也○禮
部製大成樂器頒天下儒學。

七月河南大水命賑恤之○盱眙人獻天書伏誅○建朝

言不空
則此章亦
何取進一
字

天宮設道錄司于內。即吳冶城晉西州故址。○皮作局大
使。許士哲言治道之急者十有四。其目曰。明賞罰以清官
吏。問疾苦以安民生。均賦役以甦民力。嚴銓選以擇賢才。
揀精卒以杜妄費。興武舉以羅英才。崇節義以厚風俗。明
禮樂以教萬民。立平準以利商賈。置常平以惠農民。用直
臣以任彈糾。開言路以通民情。滅亡胡之餘燼。以絕後禍。
鑒前代之興亡。以壽國祚。上善其言。

八月吏部尚書余煥定考績法。○以通經儒士陳玄爲右
僉都御史林芝爲司經局試正字。

九月起擢考滿課最官員河南淮慶府通判戴莊湖廣都

漢書

父子高

司副斷事高翼陝西靖寧州判官元善俱為右僉都御史。東昌府教授馮獻為左贊善。○江寧處士陳遇卒。

遇初為元正州路教授。其亂。匿于家。國初以泰元之薦。上登書。徵與講。大悅。俾典戎務。善書。禮待甚厚。稱為先生。不名。上駕幸其第。咨以機密。授以官。輒辭。常命為翰林學士。善書。又命為太常卿。為禮部侍郎。並後除禮部尚書。皆固辭。無召見。賜坐。顧問賜宴。賜肩輿。致尉十人。其出。入。前後賜資。無算。羣臣以遇被遠者。幸為救解。上亮其誠。未嘗為許。命其子充宿衛。亦辭。蓋恬淡靜退。始終。致至是。全遣中官賜祭。及聘。賜葬山。鍾。

十月冊李氏為淑妃。攝中宮事。○景川侯曹震請開四川峨眉至建昌古驛道。從之。○秀才宋矩等十七人為監察御史。

閏十月、大明清類分野書成。○欽天監博士元統言：今曆雖以大統爲名，而積分猶授時之數，見授時之法，以至元辛巳爲曆元。至洪武甲子，積一百四年，經云：大約七十年而差一度，每歲差一分五十秒。辛巳至今，年遠漸差。臣今以洪武甲子歲冬至爲大統曆元，推衍聞磨勘司令王道亨、有師郭伯玉者，精明九數之理，若得此人，推大統曆法庶幾可成一代之制。蓋大道無端，惟數可以推其機。天道至妙，因數可以明其理。是理因數顯，數從理出，可相倚而不可相違也。上是其言，擢統爲監正。欽天監監副李德茂又言：故元至元辛巳爲曆元，上推往古，每百年長一日。

道化陰陽
推效風氣
之說甚明

每百年消一日，永久不可易也。今監正元統，改作洪武甲子曆元，不用消長之法，非是。今當用至元辛巳爲曆元，及消長之法，方合天道。疏奏，元統復爭之。上曰：二統皆難憑，只驗七政交會，行度無差者爲是。自是欽天監造曆，以洪武甲子爲曆元，仍依舊法推算，不用捷法。○製觀星盤，十一月以孔子五十六世孫希文爲曲阜世職知縣。○上謂部臣曰：近命遼東立學校，或言遼坑不必建學，夫聖人之教猶天也。天有風雨霜露，無所不施。聖人之教亦無往不行。管箕子居朝鮮，施八條之約，故男遵禮義，女尚貞信。管寧居遼東，講詩書，陳俎豆，飾威儀，明禮讓，而民化其德。

曾謂邊境之民不可以教乎。况武臣子弟。久居邊境。鮮聞禮教。恐漸移其性。今使之誦詩書。習禮儀。非但可以造就其才。他日亦可資用。

十一月待詔朱善請弛舅姑兩姨子女婚姻禁從之。

乙丑

洪武十八年

正月劉三吾爲翰林學士。○朱善爲文淵閣大學士。○命江夏侯周德興等往河南招集故元將校。○福建按察使陶臣仲劾奏布政使薛大方貪暴。大方誣訐臣仲至京。事大白。大方得罪。詔臣仲還官。國人巡拜語曰。陶使再來。天有眼。薛公不去地。無虞。後率王官。

屋仲初以國子生擢御史。彈擊不避權勢。上重之。陞為按察使。時福建多滯獄。吏貪錄為奸。屋仲至治賊吏數十人。盡革其宿弊。又興學勸士。恤恤軍民。性儉薄。俸給有餘。悉施貧者。

松州衛控制西蕃。其軍士糧餉。悉令附近州縣運給。

二月初昏。五星並見。求直言。○錄軍國重事。太傅右丞相魏國公徐達卒。達自五年北征還。即命沿邊輯守。歲鎮於燕。至是年。始召還京師。至冬。疾作卒。年五十四。上慟悼。

可為分臣

罷朝。親為文祭之。追封中山王。謚武寧。賜葬鍾山之陰。

上謂羣臣曰。朕起自徒步。大將軍為股肱。心膂。戮力行陣。東征西討。削平群醜。克濟大勲。今邊胡未殄。方倚任為萬里長城之寄。而太陰累犯上將。不意遽殞其命。天何奪吾。

侍立階下
帝近視

便是大將
五保

將之速。朕夜來竟夕不寐。欷歔流涕。思盡心國家。爲社稷之重。安得復有斯人。乃欲有以報之。無所用其情耳。但其勛烈。宣于金石。使後世知斯人爲國之元勲也。遂親製神道碑。稱其平昔言簡慮精。當提兵之時。令出不二。諸將敬若神明。所至攻城不屠。與人不戲。凡受命而出。及成功而旋。無不自矜。至于封姑蘇之府庫。置胡宮之美人財寶。無所取。婦女無所愛。忠志無疵。昭明乎日月。命配享太廟。塑像祀于功臣廟位。皆第一祖考三代。皆封王爵。子男四人。皆上所賜名。輝祖襲魏國公。添福襲衛。增福左都督。應緒都督僉事。女四人。長仁孝文皇后次安王妃。

次代王妃

傳信錄云武寧夜侍飲。漢之醉。既命內侍送至馬吳王。所居宿焉。中夜酒醒。問曰。此何處。內侍曰。舊內也。卽起趨升陛下。北面四拜。三叩頭而出。上聞之。喜自此愈信愛不疑。武寧嘗南征。至姑蘇。聘一女子。約之曰。且不卽納。當爲後期。及師旋。悔之。令其它適。女父堅求送。女侍巾櫛。武寧因拒。更遺數十金助資妝。以謝負約。厚德類如此。

會試天下貢士。取分宜黃子澄。第一。新淦練子寧。次之。旣而殿試。以建陽丁顯爲第一。子寧次之。子澄又次之。並授翰林修撰。○大學士朱訥上守邊策略曰。今海內旣安。蠻夷奉貢。惟沙漠未遵聲教。若置之弗治。恐歲久滋患。邊圉卒荒。若窮追遠擊。恐士馬疲費。餽餉艱難。陛下爲聖子。

神孫萬世計莫若善備邊之策耳。備邊固在乎足食足食又在乎屯田。今諸將中豈皆借才於異代哉。宜選其智勇謀略者數人。每將以東西五百里爲制。隨其遠近高下。分屯所領。備兵斟酌損益。率五百里一將。彼此相望。首尾相應。耕作以時。訓練有法。遇敵則戰。寇去則耕。此長久安邊之策也。上善其言。

三月遣使諭靖寧侯葉昇等曰。通者上天垂象。沿邊城池宜加慎守。凡外寇入境。但當保障清野。靜以待之。俟其怠歸。急擊勿失。不宜輕出境外。蹈其不測也。○初選進士爲翰林院承勅監六科庶吉士。上以諸進士未更事。俾觀

政諸司各照出身資格、月給俸米、其在翰林承勅監等近侍衙門者、取庶常吉士之義、稱爲庶吉士、其在六部諸司者、仍稱進士。

四月五色雲再見。○思州及五開山諸峒蠻夷作亂、命信國公湯和、江夏侯周德興率師討之。蠻寇聞王師至、輒竄匿山谷、退則欲復出剽剽和等乃於諸峒分屯、勦捕夷其窟穴、俘戮四萬餘人、旋師。是秋周德興卒。

按開國功臣皆有祭賻贈卹恩典、德興無載者、蓋獲謫也、餘倣此。

湯和還京師、以年高思歸故鄉、從容乞骸骨。上喜之、賜鈔五萬、俾還鳳陽、面諭和曰、日本小蠻屢擾東海、卿等老

強爲朕行視要地築城墉戍以固守備。和行築海上數十城。民四丁取一爲兵以守之。○吏部尚書余燦以罪誅。時國子祭酒宋訥以嚴爲衆所嫉。助教金文徵與燦同鄉。謀逐之。吏部移文令訥致仕。訥陛辭。上驚問故。遂鞠得實。以燦專擅威柄。并文徵等誅之。

五月雲南叛服不常。軍儲不給。沔陽指揮俞事藩進力。修屯田以足軍食。甲兵精利。遷爲雲南右衛指揮同知。○朱善進觀心箴。上曰。人心道心有倚伏之機。蓋仁愛之心生。則伎害之心息。正直之心存。則邪詖之心消。羞惡之心形。則貪鄙之心絕。忠愍之心萌。則巧僞之心伏。故人常持。

坐當遠之
火為民而
無其法也

此心不為情欲所蔽。則至公無私。而自無物我之累矣。
六月定天下官。負三年一朝。賞其紀功圖冊。赴部考覈。著
為令。○丹徒知縣胡孟通。縣丞郭伯高。金壇縣丞李思道。
以事當就逮。民數十餘人詣闕。疏其撫民有方。特命釋之。
仍遣使往勞以酒。○上閱漢書。謂侍臣曰。漢文恭儉玄默。
則有之。至于用人。蓋未盡道。初將相大臣。迎自代邸。卽位。
首拜宋昌為衛將軍。張武為郎中令。其諸將相公侯宗室。
大臣皆在所。緩非所以示至公也。有一賈誼而不能用。竟
死長沙。竇廣國賢。欲相之。以后第不可。曰。恐天下以吾私
廣國。夫以廣國之賢。為天下用之。何避私嫌乎。此其於用。

人之道所以有未盡也。侍臣言明帝亦漢之聰明主。上曰。人主不以獨見爲明。而以兼聽爲明。通于人情。察于是。非則聰明得其正矣。若屑屑于細故。則未免爲苛察。上苛察。則下急迫。反有累于聰明也。

七月山東北平雨水愆期。歲苗有虧。詔今歲秋糧盡行蠲免。今後凡有水旱災傷去處。有司若不來聞。本處耆宿連名赴京。訴災由。以溺優恤。罪有司極刑。○上謂學士劉三吾曰。天下人民之衆。豈能保其皆安。朕爲天下主。心常在民。惟恐有失所。故每加詢問。未嘗一日忘之。三吾對曰。聖心拳拳若此。恩德之及民深矣。上曰。恩德亦非泛然。

醫如盧扁不施藥石病不自瘳匠如公輸不施繩墨木不自直君如堯舜無紀綱法度之施而但曰恩德所謂徒善不足以爲政也○大學士朱善曰古者人主致治惟在任賢上曰然任人之道當嚴于簡擇簡擇嚴則庸鄙之人不進當專于任使任使專則苟且之意不生

八月詔以姜嫄公劉二廟入祀典

九月 上諭戶部曰人皆言農桑衣食之本然弃本逐末鮮有救其弊者先王之世野無不耕之民室無不蠶之女水旱無虞飢寒不至自什一之制湮奇巧之技作而後農桑之業廢一農執耒而百家待食一女事織而百夫待衣

皇明仁宗皇帝 卷八
欲人無貪得乎。朕思足食在於禁末作。足衣在於禁華靡。爾宜申明天下。四民各守其業。不許游食。庶民之家。不許衣錦繡。庶幾可以絕其弊也。○大學士朱善講周易。至家人。上曰。一家之間。長幼內外。各盡其分。事事循理。則一家治矣。一家既治。達之一國。以至天下。亦舉而措之耳。朕觀其要。只在誠實而有威嚴。誠則篤親愛之恩。嚴則無閭門之失。善對曰。誠如聖諭。未幾。以疾予告。卒于家。

善。豐城人。字備萬。隱居著述。以理學為己任。洪武初。為郡學教授。薦為翰林修撰。以奏對失旨。放歸。尋復徵為待詔。歷文淵閣大學士。以疾賜歸。卒。

年七十二。所著有詩經解頤等集。
十月。命平涼侯費聚為總兵官。率指揮丁忠等。征廣南府。

叛酋平之、命蜀王閔武于中都蜀王 上第十子也諱

椿最有賢德博通經義及釋典 上所鍾愛呼為蜀秀

才王至中都首闢西堂以讀書自娛閱武餘暇召儒臣李

叔蘇伯衡及名僧來復輩與之講道論文殆無虛日復建

寶訓堂尊奉 祖訓錄及前代帝王經典命來復記之又

命來復作正心觀道崇本敬賢四箴以自警

按來復字見心豫章人通儒術工詩文一時名士皆與
之交與高僧宗泐齊名所著有蒲菴集行世見心嘗承
召賜食新詩云洪園花雨曉吹香手挽袈裟近御床
閣下衫衣生雉尾座中紅第動龍光金盤蘇合來殊域
玉盤醃醃出上方欄登溫承天上賜自慙無德領陶唐
上見詩大怒曰汝詩用殊字是我為友朱耶又言無德
領陶唐是謂朕無德則雖欲以陶唐頌我而不能也何
如好僧脫大脫如此遂誅之○宗泐台州人博通古今

凡經書過目輒成誦善為詞章住持京師天界寺
一日李寺見其動止異常命書髮授官固辭上不欲
奪其志從之賜宗泐免官諡常奉詔著心經金剛
楞伽三經有全室集行世國初名僧二人為首

復福州知府朱季用原官

昔詔嚴革有司之為民害者至京論罪並作築城役有
朱季用者台州人自薦知福州府視事僅五月以忤起
入京法司一切論罪任築城役日用錢糧十緡季用又
病痢被楚謂其子煦曰吾貴力豈足堪此吾旦死矣
汝收吾骸骨歸葬爾煦惶懼不敢離左右復戒二弟共
守不少寐季用由是不得死時嚴告枉之令告而謫戍
雲南者三人被極刑者四人煦謀汗父懋友利殺者曰
吾無術以脫吾父訴不許首死既一吾父由訴獲免雖
戮死萬萬無憾遂陳其辭于通政司通政司以聞上
問其情遂赦季用復其官時緣此得免復官者十有
二人皆拜煦父謝曰非君有孝子吾儕骨肉為城下土
矣傷同郡王叔英修撰作孝子傳以傳

卷之六

卷之六

大漸

正史與
即老裡為
新治之宜

存心錄成。編集歷代帝王祭祀感省躬錄成。編集歷代帝王祭祀感省躬錄成。編集歷代帝王祭祀感省躬錄成。

十一月集欽天監觀星臺于鷄鳴山。○孟子子孫有以罪

輸作者。上命釋之。併諭工部詢問。凡有聖賢後裔。在輸

作者。依律釋放。○宜興縣主簿王復春。不肯廢民之利。以

狗上官之欲。陞常州同知。仍遣庶吉士楊靖齋勅勞之。

十二月封王。禍為高麗國王。賜其故王額諡曰恭愍。

丙寅 洪武十九年

正月命。賴國公傅友德。長興侯耿炳文等。勦平雲南貴州。

等處蠻夷。○上謂李善長曰。湖廣江西直隸府州縣六房。

有主文先生。積年把持官府。盡政害民。爾行文書。盡行起。

奉朝奉 卷之六

治以從民
之便爲美

水至柔而
狎則海益

取赴京發雲南五開等衛充軍○雲南布政司張統言舊
例商人納米千金齒者每一斗給鹽十引以穀准米者聽
商旅輻湊儲蓄充溢其後有司不許輸穀商少軍餉弗給
請仍其舊從之○上謂侍臣曰治民猶治水治水者順其
性治民者順其情人情莫不好生惡死當省刑罰息干戈
以奠之莫不厭貧喜富當重農事薄賦歛以厚之莫不好
佚惡勞當簡興作節徭役以安之
二月置行人司○上與侍臣論曰不可儉者祭祀然祭不
可瀆不可儉者賞予然賞不可濫○上諭戶部曰善理財
者不病民以利官必生財以阜民

三不民之
一也
然視之

聖神實負
如雷震雨
茲復有物

四月議取各處工匠驗其丁力以三年爲限更番赴京輪
作名曰輸班匠免其家徭役著爲令○河南大水命贖民
鬻子。

五月 上諭吏部曰國家人才非一日所能造就曩進士
魏安仁等六人嘗以過謫爲浙江按察司書吏使知自新
今已歷年恐爲小人所侮則終身喪志雖欲改過不可得
矣其召還用之○上聞嘉興崇德縣知縣鼎輝縣丞齊梅
剛正能官遣行人齎勅往勞之○常州府官范好古奏言
行人王良至郡驢貨不謹命禮部遣人齎禮以勞仍令械
良至京罪之○處州麗水縣賣卜人怨望大姓陳公望等

五十七人詣闕誣告謀逆知縣倪孟賢詢父老無是事謂僚屬曰朝廷命孟賢令是邑惟欲撫輯斯民安于田土今使良善者受惡逆之名豈朝廷命孟賢意也卽具疏上聞得令者老四十人詣闕辨其妄上命法司論妄告者罪賜諸老酒食給道里費遣還

六月 上謂禮部尚書李原名曰尚齒所以教敬事長所以教順虞夏商周莫不以齒爲尚而養老之禮未嘗廢是以人興于孝弟風俗淳厚治道隆平曩者詔天下行養老之政尚慮有司奉行不至備其以朕命申之

凡耆老年八十以上鄉黨稱善貧無產業者月給米五斗肉五斤酒三斗九十以上歲加賜帛二匹絮一斤

此與前書
之取互舉
天下無不
送之老矣

有田產足自贍者止給酒肉絮帛其應天鳳陽二府嘉
民年八十以上賜爵社士咸許冠帶與縣官平禮免雜
汎差徭正官歲一存問給賜之物本州縣委教
薦生員按月詣門禮送毋得給與陳粟著爲令

七月詔舉經明行修之士年七十以下者郡縣禮送京師
上諭禮部臣曰比來有司不體朕意士有耆年便置不問
豈知老成古人所重文王用呂尚而興穆公不聽蹇叔而
敗伏生雖老猶足傳經豈可槩以耄而弃之也若年六十
以上七十以下者當置翰林以備顧問六十以下者則於
六部及布政司按察司用之

八月上覽宋史見太宗改封樞庫爲內藏庫願謂侍臣
曰人君以四海爲家何有公私之別太宗宋之賢君亦復

如此。它如漢靈帝之西苑。唐德宗之瓊林。大盈庫。不必深責也。宋自乾德開寶以來。有司計度支所缺者。必藉其數以貸于內藏。候課賦有餘。則償之。凡有司用度。乃國家經費。何以貸爲。缺而許貸。貸而復償。是猶爲商賈者。自與其家較量出入。及內藏既盈。乃以牙籤別其名物。叅驗帳籍。晚年出籤示真宗曰。善保此足矣。貽謀如此。何足爲訓。太宗首開私財之端。及其後世困於兵革。三司財帛耗竭。內藏積而不發。間有發緡錢幾十萬以佐軍資。便以爲能行其所難。皆由太宗不能善始故也。○六安侯王志卒追封許國公。

按志：臨濠人從起義，洪武三年以平中原功多，封祿九
百石。七年增千六百石。子威嗣。二十三年，罪謫安南衛。
子域嗣。

九月沐英奏雲南土地甚廣而荒蕪居多，宜置屯田。令軍
士開耕以備儲蓄。上可其奏，又謂邊地久荒，艱于用力，
詔俟數年後方徵其歲輸之粟。

十月頒志戒錄書凡百有餘事，皆採輯唐漢爲臣悖逆者
賜羣臣及教官諸生講誦，使知所鑒。

十一月詔長興侯耿炳文率陝西都司延安等衛官軍往
北平聽征。

十二月造通濟聚寶三山，洪武等門。○河南盧氏縣王簿。

徐存義言三代漢宋之盛建邦設都率居中土蓋以大梁爲天下之都會洛陽爲中國之形勝誠帝王萬世之基也伏望取法前聖毋安于江左益隆大業以馭四方又言州縣之職於民最親而郡守實民之帥師宜選廉能之士授之若其廉能可稱則陞賞之貪污不才則黜罰之賞罰既明則天下自治又言唐虞之世命夔典樂天神格神鬼享自周之末鄭衛淫哇之音歷代因之未能復古宜修明雅樂以成一代之盛典倡優俗樂不可復用書奏上嘉之○御製大誥三編成頒示天下初上以天下臣民染元之汚俗徃徃不安職業觸罹憲章欲做成周大誥之制以

訓化之乃取當世事之善可爲法惡可爲戒者著爲條目
大誥天下既而又慮誥條所載未能盡天丁之情續爲一
編以申其意使民觀感知所勸懲自是民之作非者鮮從
化者多故又作三編大誥其意益切至詳盡上親爲之
序

按先是戶部侍郎郭恒等犯贓事覺連坐者衆因此遂
作大誥頒示天下令一切官民諸色人等戶有此一本
若犯管杖徒流罪名每減一等無者每加一等所在臣
民無觀爲戒見大誥未終後來官府斷獄遂有大誥減
一等之文其原出此後人不知其原察以爲凡犯罪者
大誥皆減一等誤矣天下事忘源失委不說踵誤如此
者何可勝數

丁卯

洪武二十年

正月大祀天地于南郊禮成天氣清明聖情豫暢侍臣
進曰此陛下敬天之誠所致上曰敬天不獨嚴而有
禮在。有其實。天以子民之任付于君。爲君者欲求事天。必
先恤民。恤民者事天之實也。卽如國家命任守令之事。若
不能福民。則是弃君之命。不敬孰大焉。又曰人君父天母
地。子民。皆分所當盡。祀天地非求福已。實爲蒼生也。○軍
校丁成言河南陝州地有上絛下絛。上黃塘下黃塘者。舊
產銀礦。前代嘗採取。今錮閉已久。請復採之。上謂侍臣
曰。凡此言利之臣。皆戕民之賊。朕開元時。江西豐城之民。
告官採金。其初歲額猶足。取辦經久。地產旣竭。民力消耗。

一州之人。卒受其害。豈宜效之。○詔修闕里孔子廟。

二月。上躬耕籍田。遣官享先農。禮成。宴群臣于壇所。諭之曰。耕籍。古禮也。一以供粢盛。一以勸農務本也。朕卽位以來。恒舉行之。惟欲使民盡力於田畝。以遂其生養。非事虛文也。今禮成。與爾羣臣享胙于此。非徒爲宴飲之樂。正欲羣臣知重農之意。○御注尚書洪範成命。贊善劉三吾序其後。上讀洪範太息。以爲天人之大統也。以敘彝倫。立皇極。保萬民。叙四時。成百穀。皆本于天道。而驗于人事。箕子爲武王陳之。武王猶曰。此五帝之道也。我未有能焉。朕每爲惕然。命儒臣揭之座右。時覽焉。遂爲訓釋。○置兩

卷之八

聖祖英明
無不燭
故一特任
事之人亦
不致誤
一二特守
今初未嘗
不從意
而後
及是方德

浙防倭衛所。○浙江蘇州等處進魚鱗圖冊。先是命戶部覈實天下田土。而兩浙富民畏避差役。以田產詭寄親鄰佃僕。謂之貼腳。詭寄相習成風。奸弊百出。謂之通天詭寄。而富者益富。貧者益貧矣。上聞之。遣國子監武淳等往各處隨其稅糧多寡。定為幾區。區設糧人。使集糧長者民躬履田畝。以量度之。圖其田之方圓。次其事。悉書主名。及田之四至。編彙為冊。其法甚備。謂之魚鱗圖冊。至是成上之。

安宋李朱子知漳州。以版籍不正。田稅不均。貧者有稅。富者有田。無稅。公私不勝其弊。倦倦議行經界。因問魚鱗冊。即經界之意也。嗚呼。自井田之法廢。而民得業。并自限田。口分世業之制不行。而富者田連阡陌。貧者

而以苟且
成可奈
何

以理御教
則得其常
者多

地無立錫。君子已爲之長太息矣。至是復增進寄之弊。
富者坐享無稅之田。貧者空納無田之稅。富者無稅而
差輕。貧者稅多而役重。富者益富。貧者益貧。無惑矣。歷
考前代。禍亂多由于貧。富不均。使奸雄得以爲辭。我
聖祖所以澤惟。厝火積薪之處。而亟加整頓也。
今日此弊視國初。益甚矣。經世君子其可忽乎。

上謂侍臣曰。人君一心。當謹嗜好。不爲物誘。則如明鏡止
水。可以照鑑萬物。○上御華蓋殿。侍臣進講。因論人之善
惡感召。亦有不得其常者。上曰。爲惡或免于禍。然理無
可爲之惡。爲善或未蒙福。然理無不可爲之善。人惟修其
在已者。禍福之來。則聽于天。彼爲善而無福。爲惡而無禍
者。特時有未至耳。

三月雲南左布政張統秩滿來朝。上以統在雲南能撫

論得其至
則刑平矣

綏夷人俾復職賜璽書勞之。○勝師出松亭關城大寧。
夏四月命江夏侯周德興往福建築城練兵防倭。○左都
御史詹徽奏有軍人犯罪當杖其人嘗兩得罪宥免宜并
論前罪誅之。上曰前罪既宥今復論之則不信矣使人
何所措手足。且其罪至死而縱之則爲縱惡不至死而誅
之則爲濫刑。今罪未至于死而輒欲殺之在爾有故入之
罪在朕無恤刑之仁皆不可也。杖而遣之。

七月禮部請如故事立武學用武舉仍祀太公建武成王
廟。上曰三代之上文武兼備用無不宜。即以太公之鷹
揚而授冊書仲山甫之賦政而式古訓召虎之經營而陳

文德豈若後世武學專講韜畧不事經訓專習于戈不聞
俎豆拘于一藝之陋哉今又欲循舊立武學用武舉建廟
甚無謂也太公宜從祀帝王廟其武成王廟罷之○定親
王歲祿五萬石○真臘國貢象及香

按真臘本扶南屬國一名占臘在東海中隋始通中國
唐神龍中并扶南而國分爲二其南近海多陂澤爲水
真臘北多山阜爲陸真臘後復合爲一宋宣和初封爲
真臘國王慶元中改占城其國人爲占城王占城遂
爲屬國又有參半真里等流眉蒲非等國皆屬真臘聚
衆人衆地亦廣其俗尚侈華陳向爲上右手爲潔縣鎮
風習大類占城王二日一視朝婚娶燃燈不息視力耕
種產銅金諸香象翠羽嘉樹異魚洪武六年來貢至是
正黎列保昆耶非若者遣使
貢象五十九隻香六萬斤

八月封何真爲東莞伯食祿一千五百石賜錢券子孫世

襲

真自歸附以來、歷山東、江西、奉政、山西、浙江、湖廣布政使、致仕、至是念其歸附之誠、授以封賞、仍賜第于京師、官此

三子

九月故元納哈出降、赴京入見、上賜一品服、封為海西侯、其所部官屬悉賜衣服冠帶、授以指揮千百戶、有差、俾各食祿、不任事、分隸雲南、兩廣、福建、各都司處之、

我元臣孽已盡、惟納哈出尚擁衆金山、教授邊于、是以正月命征虜大將軍宋國公馮勝、左右副將軍額爾古納、傅友德、永昌侯藍玉、左右參將南輝、侯趙勝、定遠侯王弼、東川侯劉海、武定侯郭英、統軍三十萬往征之、納哈出聞之、棄金山、巢穴營于新泰州、去遼陽千八百里、王師既行、臨江侯陳璘所部與大將軍興道相失、陷虜死、六月勝等率師踰金山、至女直、若屯、納哈出部將全國公觀童來降、初納哈出分兵為三營、一日榆林、渾處、一

曰養爲莊。一口龍安一禿河。輜重富盛。蓄牧蕃息。勞主
數招之不往。及是大將軍逼之。納哈出計降。乃與吾因
之。納哈出乃遣使至大將軍營。陽爲納欵。而實覘其勢。
勝遂遣藍玉往。一禿河受其降。虜使見大將軍勝。還報
納哈出聞之。乃指天贊嘖曰。天不復與我有此衆矣。遂
率數百騎自詣玉降。玉大喜。出酒與之飲。甚相歡。納哈
出因酌酒酌玉。玉請先之。納哈出卽飲訖。復酌以授玉。
玉解衣以衣之。謂曰。請服此。而後飲。納哈出不肯服。玉
亦持酒不飲。爭讓久之。納哈出取其酒澆地。願其下咄
咄語。將脫去。時鄭國公常茂在坐。其麾下趙指揮者
解胡語。以告茂。茂直前縛之。納哈出大驚起。欲就馬。茂拔
刀砍之。傷臂。不得去。鄭督耿忠遂以衆擁之。見勝。納哈
出所部妻子將士凡十餘萬。在松花河北。聞納哈出被
傷。遂驚潰。降衆欲來追。勝遣前降將觀童往諭之。于是
其衆亦降。凡四萬餘。并得其名愛馬。所部二十餘萬人。
羊馬驢駝輜重亘百餘里。納哈出有二姪。不肯降。勝復
遣人諭之。乃折弓矢擲于地。亦來降。勝以禮遇。納哈出
復加慰諭。令耿忠與同寢食。遣使奏捷。仍奏常茂驚潰
虜衆。遂班師。悉以納哈出來降將妻子及其輜重俱

南行仍以都督嚴英等將騎兵三千爲殿其驚衆之衆
 屬大將軍旋師以其降卒俱行甚爲之設伏邀之英等
 後至伏發英等爲所乘衆寡不敵英復馬蹄遂見執自
 討而疾英等州人少以勇敢聞累功陞中軍都督會
 事至是沒于虜上聞之驚悼特贈開國輔運權誠宣
 力武臣追封金山侯諡忠義大將軍馬勝捷奏至上
 以常茂驚潰虜衆即令械送京師上聞大將軍馬勝
 等在軍事多不律遣使勸諭勝及副將軍傅友德藍玉
 王弼郭英曰古之名將爲國效忠功名千載在我朝若
 徐達常遇春平定華夏未嘗自一不殺所以功成名遂
 近以沙漠未清命爾等率師何期馮勝專爲已私播惡
 胡中古之名將豈如是耶及旋師之際部伍無法致使
 旅英等人馬三千陷沒于虜又不聽朕命擅發留守大
 軍軍卒遂遺殘胡後患凡若此者論以國法皆在不宥
 朕以將軍嘗有戰功姑容自新若改行易慮庶可保全
 以圖後功往來人言頗多舉其大罪於將軍亦振哉馬
 勝侯常茂至茂勝之婿也勝每于衆軍中折之茂不
 正不遜語勝對之及納哈出降而虜衆驚潰勝欲自
 故歸咎于茂而奏之茂既至陳所以降納哈出之故
 上內召勝還令藍玉行總兵官事茂以父遇春功免死

安國廟

西華州

乙未天壽聖節受朝賀宴羣臣於奉天殿皇太子宴國戚暨東宮官於文華殿○建北平行都指揮使司於大寧

十月徙建歷代忠臣漢秣陵尉蔣子文晉尚書令卞壺南唐節度使劉仁贍宋武惠王曹彬元御史大夫福壽等廟于鷄鳴山之陽每歲致祭著爲祀典○上與諸將論兵政上曰國家用兵猶醫之用藥可蓄藥以治疾不可無疾而服藥國家未寧用兵以戡定禍亂及四方承平只宜修甲兵練士卒使常有備蓋兵能弭亂亦能召亂若恃其富強善功生事結怨啓釁適以召亂正猶醫家妄以瞑眩之藥

強進無病之人。縱不殘軀殞命。亦傷元氣。爾等皆有軍旅之寄。宜深體朕意。○上以北方學校無明師。生徒廢學。命吏部選南方學官有學行者教之。○罷馮勝歸鳳陽。○永城侯薛顯卒。追封永國公。○以河南府學訓導葛鈞爲翰林侍講學士。

十二月。命征虜大將軍永昌侯藍玉。右副將軍武定侯郭英。統大軍征北虜。又命靖寧侯葉昇。普定侯陳桓。統兵征東川。普定等處蠻寇。○上以武臣出自戎伍。罔知憲典。往往罹法。乃親製大誥二十二篇訓之。俾知守紀律。撫軍士。立勲業。保爵位。并令其子孫誦習。○韶州府知府王世安。

請舉唐賢相張九齡宋名臣余靖祠典從之○晉府長史

桂彥良卒

漢高不事詩書狃于馬上之習晚年得一陸賈不過縱橫策畧之餘光武號稱講藝論道而一時儒彥寂寥無聞一子陵不屑就己唐太宗宋太祖雖皆好文之主而溺于詞賦狃于俗習帝王之道稽古之學樂木之聞焉我聖祖以武功定天下而崇尚文學如飢渴之于飲食每得諸儒臣皆待以腹心帷幄朝夕咨訪不倦而往往戒諸將親近儒生至于解經析義又多天縱神啓有非老師宿儒之所能及是豈溺于嫚罵者所能彷彿其萬一哉但一時將略足備戡定而文儒相業猶不甚稱聖心至使不得已而委致于庸輩是豈其所欲也故于南安之卒甚加憐惜晚年亟稱桂彥良之賢而不及川惜哉

封都督張赫爲航海侯食祿二千石子孫世襲赫先以軍

功歷陞至都督洪武己未命督遼東海運至是每歲一行

折衝風濤、勤勞、簡至軍食、賴之。同時有都督朱壽者、亦以督運糧餉有功、封舳舨侯、食祿世襲、與赫同。○河間阜城驛馬戶以孳生馬來進、上曰、馬戶芻豆之給、其費不輕、故嘗命驛馬孳生、聽民出賣、今復來進、豈朕言不信耶、無亦有司奉行不至也、其還之。

戊辰

洪武二十一年

正月命潁國公傅友德統蕃漢大軍征勦雲南諸蠻寇。○雲南平緬蠻叛結砦于馬龍也。卽甸之摩罕勒。總兵沐英遣都指揮寧正擊破之。斬首千五百級。○諭吏部曰。爲國以任人爲本。作好者不以小才而貸。果賢者不以小疵而

受民者之
過其過可
列

棄奸者必懲，庶不廢法。宥過而用，則無棄人。諸城知縣陳
允恭，前任以簿書之過，謫戍雲南。比有言其治縣時能愛
民者，即有過亦可用也。召復還其官。○陞浙江道御史凌
漢為右都御史。漢鞠獄平恕，人有德漢者，遇諸途，厚報以
金。漢曰：子罪當爾，律有定法，非我私子。何以金為？廉得其
事，故有是擢。

二月詔以歷代名臣從祀歷代帝王廟。

周后、力牧、皋陶、夔龍、伯夷、伯益、伊尹、傳說、周公旦、召公
奭、太公望、召虎、方叔、張良、蕭何、曹參、陳平、周勃、鄧禹、馮
異、諸葛亮、房玄齡、杜如晦、李靖、李晟、郭子儀、賈誼、潘美、
韓世忠、岳飛、張浚、木華黎、博爾忽、博爾木赤、溫伯顏
比三十
有七人、

造官祀歷代帝王。初帝王廟爲五室。祀伏羲至元世祖。凡十七帝。至是去隋文帝。凡十六帝。○故元四大王來降。上憫而宥之。且厚其賜。賚命隨西平侯沐英戍守雲南。○大將軍藍玉送降胡寡婦一百六十二人至京。命以文綺帛衣四百八十餘襲。鈔一千二百三十錠給賜之。

三月平緬復舉。衆號三十萬。戰象百餘。寇定遠沐英自將精銳二萬往討之。旬餘抵賊營。遣都督馮誠以輕騎三百挑之。賊驅萬衆乘二十象來戰。誠一戰殺賊數百人。獲一象而還。英喜曰。吾知賊不足破也。即令諸將曰。破賊之術。多置火銃。神機箭。分吾將士作三行。俟彼象近。則前行之。

銃箭齊發。若衆未退。則第二行者繼之。第三行者又繼之。銃聲不絕。衆以反走。然後大軍乘之。破之必矣。明日。賊悉衆驅百象來戰。衆皆披甲。背負戰樓。若欄楯然。挾大竹筒於兩傍。置短鎗其中。標射遠近。英分軍爲三。命馮誠領其前。寧正領其左。都指揮湯昭領其右。復申令曰。今日之事。有進無退。進而捷者。一級必重賞。退而軋者。一隊必盡戮。於是將士皆鼓勇而進。陣旣交。彼衆在前。我前軍火箭銃砲連發。雷擊電走。山谷震動。衆皆反走。寇之勇而力者曰。肯刺亦殊死戰。我左師小却。英登高望之。命左右取帥之首來。左帥遙見一人拔刀飛騎而下。麾衆復前。英責黥益。

分在不疑

崇

玉

急三軍大呼而鏖賊衆大敗斬首三萬餘級俘萬人生獲七十四象餘象皆被矢如刺蝟以死巨帥刀斯郎斯郎理各中百餘矢斃象背上餘黨走死山谷中生還者百無二三自是諸蠻警服平緬歲入貢賦不復反矣○廷試進士賜任亨泰等及第出身有差亨泰襄陽人上命有司建狀元坊以旌之建坊始此○上召試官陳宗順等諭之曰今日觀列子鄰子竊鐵之事因思人之疑信皆生于心信心常出于忠厚疑心必起于偏私夫信其所好疑其所惡乃人之常情是故不可不察也君之于臣好而信之謔言雖至而不入惡而疑之毀謗不召而自來苟能以大公至

教中守正
送論

正之心處已待人則自無獨信偏疑之私其或反平公道而不得好惡之正未有不流于一偏者也因給紙筆令諸儒撰疑信論○上覽史因論田子方貧賤驕人之說上曰驕凶德也富貴而驕人則不足以得天下之士貧賤而驕人適足以取辱于已要之君子當以恭敬為本子方之言抑揚太過蓋有所激而云○東莞伯何真卒上親為文遣官諭祭之命其子榮襲封東莞伯

按真能保境安民謫時達變歸命真主光武寵榮策無盟府大非一時羣雄所及歸朝之後復能一心事上夙夜畏威惟勤一時黨禍方熾而真獨無所染事高皇帝踰二十年未聞有微譴加焉此尤一時功臣所難也若真者可以為賢矣

四月藍玉等率師由大寧進至慶州聞虜主脫古思帖木兒在捕魚兒海間道兼程而進師至百眼井去海四十餘里哨不見虜欲引兵還定遠侯王弼曰吾等提十餘萬衆深入虜地今略無所得遽言班師勞師費財何以復命玉深然之戒諸軍皆穴地而營毋令虜望見烟火師遂進丙辰黎明至捕魚兒海南飲馬偵知虜王營在海東北八十餘里玉以弼爲前鋒直薄其營虜始謂我軍乏水草必不能深入不設備又大風揚沙晝晦軍行虜皆不知虜主方欲北行整軍馬皆北向忽大軍至其太尉蠻子率衆拒戰敗之殺蠻子及其軍士數十人其衆遂降虜王脫古思帖

木兒與其太子天保奴知院捏怯來丞相失烈門等數十騎遁去。王率精騎追之，出千餘里，不及而還。獲其次子地保奴等六十四人，及故太子必里禿妃并公主等五十九人。其詹事院同知脫因帖木兒將逃，失馬竄伏深艸間，禽之。又追獲吳王朵兒只代王達理麻平章八蘭等二千九百九十四人，軍士男女七萬七千三十七口，得寶璽圖書牌面一百四十九，宣勅照會三千三百九十道，金印一，銀印三，馬四萬七千匹，駝四千八百四頭，牛羊一十萬二千四百五十二頭，車三十餘輛，聚虜兵甲焚之。遣人入奏，遂班師。

按初元順帝通于沙婁既祖國人謚曰惠宗太子愛猷
義理達立十一年祖諡曰昭宗次子益王陵古思帖
木兒立九年能藍玉北征益王走至也速迭兒之地爲
下所弑其部屬皆奔散其後裔自是日微今所稱小王
子即元裔也正統之中也先近日吉囊
俺答不孩之屬皆小王子之強臣也

五月乙酉五色雲見○都督張銓從征平東川蠻有功封永寧侯

七月贈故金山侯濮英爲樂浪公尋封其子璉爲西涼侯
○宋國公馮勝往東昌等處調達軍隨雲南達兵至常德
四川等處皆叛命鳳翔侯張龍統兵追至重慶悉誅之○
監玉遣人送虜王次子地保奴及后妃公主等至京地保
奴及后妃獻金印金牌賜鈔二百錠命有司給第宅廩餼

俾就居京師既而有言玉私

預

元主紀事

上怒曰玉無禮

如此豈大將軍所爲哉元主

胡不推之乎

妃聞之惶懼自盡地保奴出

是有怨言

上聞之曰朕初以元世祖主中國時有恩惠

及民不可無嗣嘗與儒臣議欲封地保奴以盡待亡國之

禮彼乃如此豈可以久居內地於是遣使護送居琉球仍

厚遺資遣之○海西侯納哈出卒命其子蔡罕襲爵改封

潘陽侯○遼山西澤潞二州民之無田者往彰德真定臨

清歸德大康開墾荒蕪免其賦役三年仍戶給鈔二十錠

以備農具

八月丁卯征虜大將軍永昌侯藍玉等還朝上謂玉曰

稱率將士北征功最大然虜主妃來降不能遇之以禮乃

縱欲汗胤又嘗恃勞遣人入朝規伺動靜此豈人臣之道

哉今憫爾功勞屈法宥爾爾其率德改行以慎厥終玉頓

首謝予是諭功行賞賜玉白金二千兩鈔一千錠文綺五

十匹左副將軍延安侯唐勝宗右副將軍武定侯郭英白

金一千兩鈔四百錠文綺一十匹餘各賜白金鈔文綺有

差○宴征北諸將於奉天殿上賦平胡詩二章命羣臣

和之○御製諭武臣勅頒之將士一曰守邊之將撫軍以

恩二曰邊境城隍務宜高深三曰修築城池葺理以漸四

曰操練軍士習於閒暇五曰軍士頓舍勤於點視六曰體

念軍士毋以加害。七日，事機之會，同僚盡心。八日，沿海衛所嚴於保障，凡八條，頒之將士，永爲遵守。○安慶侯仇成卒，追封皖國公。

九月，傅友德等將兵討阿資，道過平夷，以其山勢峭險，密邇龍海，宜築堡駐兵屯守，以捍蠻夷，遂遷其山民往居早上村，留神策衛千戶劉成等領兵千人樹柵置堡其地。後以爲平夷千戶所。阿資等率衆寇普安，燒府治，大肆剽掠，因屯普安，倚崖壁爲寨。傅友德等以精兵蹙之，蠻衆皆緣壁攀崖墜死者不可勝數，生擒一千三百餘人。阿資遁還越州，沐英遣都督寧正從傅友德擊阿資於越州，敗之，斬

其黨大頭并宗等五十餘人阿資勢窮蹙與其母請降初
阿資之遁也揚言曰國家有萬軍之勇而我地有萬山之
險豈能盡滅我輩英乃請置越州馬隆二衛扼其衝要又
分兵追捕至是勢窮遂降○改建歷代帝王廟于鷄鳴山
之陽

訓錄

冬十月乙丑頒武士訓錄 上以將臣於古昔善惡成
敗之事未能通曉特命儒臣編集申明以鉏麋樊噲金日
碑張飛鍾會尉遲敬德薛仁貴王君廓僕固懷恩劉闢王
彥章等所爲善惡爲一編釋以直辭俾蒞武職者日親講
說使知勸戒○時廣西江西指揮耿良戴宗以科歛激變

致亂生罪。上曰：武臣不知受命守禦之方，與夫崇名爵，享富貴，福及子孫之道，乃爲保守。勅頒之，使知鑒戒。勅五軍都督府申諭天下衛所屯種，勅曰：養兵而不病於農者，莫若屯田。今海宇寧謐，邊境無虞，若但使兵坐食於農，農必受弊，非長治久安之術。其令天下衛所督兵屯種，庶幾兵農兼務，國用以舒。古之良將若趙充國輩，皆以此策樹勛。當時垂名後世，其各鎮諸將務在程督，使之盡力於耕作，以足軍儲，則可以繼美於古人矣。○進封永昌侯藍玉爲涼國公，孫恪爲金寧侯。

按王師北還，論功行賞，擬封王梁國公，適有疑其私元王姬者，上聞大怒，事中止。至是念其勞，改封涼國公。

仍錄是
通于券

信國公湯和鳳陽新第成和率妻子謝上降手勅褒嘉
賜和黃金三百兩白銀一千兩鈔一千五百錠文綺四十
端夫人胡氏亦賜黃金三百兩白金一千兩鈔五百錠彩
段三十端○以庶吉士解縉爲監察御史未幾遣歸進學
縉吉水人天性英悟奇絕七歲能賦詩日記數千言年十
八舉江西鄉試第一連登是年進士上親選授爲庶吉
士讀中秘書日侍左右特被寵眷一日寓大庖西室諭之
曰爾縉試舉今日施政所宜直述以聞縉退即草封事凡
萬言以進極論悉陳無所諱忌上嘉其識時兵部侍郎

字精誠

沈潛忌繙才誣其狎侮胥隸。上不聽。擢益察御史。適都御史袁泰怙勢恣橫。諸道御史欲糾之。無敢執筆為章者。繙揮筆立就。歷詆其奸狀。上慮繙少涵養。將為眾所傾。召其父至。諭之曰。才之生甚難。而大器者晚成。其以而子。歸益進其學。又諭繙曰。朕與爾義則君臣。恩猶父子。其歸盡心于古人。後十年來朝。大用爾。未晚也。

技解繙封事。其要畧有云。陛下選人不擇于賢否。投職不量于重輕。建不為君用之法。所謂取之盡繙。錄之朋奸。罔上。倚法為奸之條。所謂用之如泥沙。又言。陛下下誠信有間。用刑太繁。每多自悔之。昨錄存無及之。又言。律以人倫為重。乃有給配夫婦之條。聽之于不義。恐傷節義之化。又言。太常非俗樂。可肄官。鼓非人道。所為。可以禁絕。釋老之壯者。宜出之。使復人倫。程允之。夫者。悉火之。以杜俗惑。治庸用方句。德月德之類。

俱人所不
敢言

皇明御制金鑑

卷

三

最甚不經。但中樞種之時不用其除之。又言。陛下
天資清高。而學問不充。善略間發。而心學無素。與師取
實與偽。莫明。神仙微應。誕漫莫信。申明旌善之。徒為
虛設。藍田呂氏所約。義門鄭氏家範。可以為行。又言。祀
天宜復掃地之規。尊初宜備七廟之制。奄寺宦官之命。
公卿子弟之賢者。以代掃除之役。教有司課弓手。教民
兵習射于農隙。以備不虞。又言。監生進士。多困州縣。本
廉人材。驟歷華要。推理負販者。冠裳與馬赫奕。賢者為
為等列。庸人習其風流。以貪婪苟免。為得計。以廉潔受
刑。為飾辭。故有無錢工役。無盤纏之。俚語。勸勵官人沒
商量之童謠。宜任用忠良。弗任意。喜怒生殺。按解。籍封
事。萬言。皆治平良規。惜不能備錄也。抑綰言切直如此。
聖祖非惟能容之。且愛護而玉成之。
恩猶父子。真一時非常之遇也哉。

以卓敬為給事中。敬性剛直。論事無所顧避。上器重之。
時諸王在宮中。服飾有擬太子者。敬乘間白於上曰。宮
中朝廷視效。紀綱攸。今陛下於諸王不早辨等威。而

使在宮中服飾有與太子埒嫡庶相亂尊卑無序然則何以令天下耶上笑曰卿言是吾慮未及此耳

卓敬浙江瑞安人。是年進士。建文中遷禮部左侍郎。嘗密奏防宗藩之變。後竟死難。

徐允恭嗣封魏國公封常昇開國公

十二月安南黎季犛弑其主煒立叔明子日烜主國事

皇明從信錄卷八

皇明從信錄卷之九

東莞 陳建輯 秀水沈國元訂

己巳 洪武二十二年

正月改大宗正院爲宗人府以秦王爲宗人令晉王爲左宗正周王爲左宗人楚王爲右宗人

二月禁武臣不得預民事○遣行人齎勅幣賜温州府平陽縣知縣張礎勅曰朕惟郡守縣令民之師帥其職備在愛民乃者通政司言浙江金鄉衛因造軍器意在擾民爾平陽縣知縣張礎執法不從即具以聞朕深嘉歎縣令之職實稱焉特遣使以鈔三千錠內酒一封往勞以維爾

簡其領之。○魏敏卓敬等凡八十八人爲給事。三月庚午朔遣使命朝國公傅友德等。分駐。用衛所操練友德駐沅州中國公徐允恭駐常德。李景隆駐漢陽開國公常昇駐辰州靖寧侯葉昇駐。普安侯陳桓駐岳州雄武侯周武駐武昌吉安侯陸。駐斯州安陸侯吳傑駐恭陵東平侯韓勳駐黃州東川侯胡海駐寶慶南雄侯趙庸駐長沙宣寧侯曹泰駐羅塘宣德侯金鎮駐施州靖海侯吳禎駐衡州江陰侯吳高駐永州金寧侯孫恪駐沔陽延安侯唐勝宗駐黃平都督張銓王誠孫彥駐桂陽忠州道州信國公子忠惠在安侯于王

威駐長寧夷陵。諭友德等曰：西南蠻夷，自昔號稱難服，所以然者，其高山深林，草木叢密，夏多霧雨，地氣蒸濕，蛇虺蚊蠅之毒，隨處而有，人入其境，不服水土，則生疾病，所以功多不就。今得爾報，已平東川，降阿賚，大勢已定，然諸蠻夷易發生亂，朕恐大軍一回，彼復跳梁，嘯聚，豈不重勞吾將士乎？今且還軍分駐要地，一以休息士卒，一以懷制夷蠻，使至爾等一如所論。○上以天下無事，憫諸將老，欲保全之，詔從公侯各還其鄉。於是定遠侯王弼、武定侯郭舉、侯俞、通源各陞階。上賜王弼綈錢五萬，遣郭舉、侯俞各賜錢二千錠，遣郭舉先鑿寶金主百兩，白金主百兩，散之。

錢彩段三十表裏安富厥家基通源各賜資南港

臣廷曰我太祖之報功臣可謂無所不用無所不厚矣崇其爵焉重其祿焉未也復有山田之賜焉有佃戶之儀仗焉有墳墓之錫焉實延于世嫡焉求也衆子庶子皆官之焉非子尚公主則女為王妃焉猶未也其還也也有安富厥家之金帛焉有造第之賜錢焉有葬先之鈔錢焉自秦漢而下報功之典未有如止其爵止厚者厥後功臣多不克終者無亦其自取也夫

四月置詹事院秩正三品以兵部尚書致仕唐鐸為詹事前俱以廷臣兼東宮輔導至是上謂吏部臣曰朕觀歷代賢明之君于輔導太子必擇忠正賢良之士今東宮官屬未設衆務無所統領唐鐸為人謹厚有德量宜當是任其以鐸為詹事仍兼尚書之祿

拜驛馬虹縣人重界慎密大節猶其始友及臣
數十年交不知分色絕不稱惡其終量可見

詔以元良哈之地置朵顏泰寧福餘三衛

元良哈山戎也歷代爲渾莫奚爲契丹時大軍征
北胡朵顏元帥等各差人來朝願爲外藩詔以其地置
三衛自全寧抵喜峰近宣府曰朵顏自錦義歷廣寧至
遼河曰泰寧自黃泥窪踰海陽鉄嶺至開原曰福餘以
其首爲指揮等官各統
所部自是每歲朝貢

徙江南民田淮泗

五月狼洞黃平蠻作亂賴國公傅友德討平之置興義衛
隸貴州都指揮使司

六月周定王去國之鳳陽還雲南尋遣還國

七月召征南將軍傅友德等還京師召虜虜遠見弑其

主脫古思帖木兒而立坤帖木兒。

八月更定大明律。○徵趙搗謙爲瓊州教授。

搗謙餘杭人雅通古學欲探造化之原嘗與修正經傳爲是官作瓊臺布學範六書本義聲音文字通攷造化經緯圖說補前聖成書以興斯文

爲已任。鑒修自茲。舒風萬名臣。

十一月百夷思倫發入貢謝罪。○詔諭故元兀納失里大

王。○上謂侍臣曰。興治之要當進君子退小人也。兵部尚

書沈縉對曰。君子小人未易識。上曰。獨行之士不隨流

俗。正直之節必異庸常。譬如良玉委于污泥其色不變。君

子雜于衆人德操自異何難識也。縉又曰。自古君子常少

小人常多。亦患難去。上曰。善者進之足以勸善惡者去

可想見
中和廣錄
之妙

之足以懲惡。故太陽出而羣陰伏。賢者舉而不仁者遠。夫何難去哉。○上與學士劉三吾論治民。三吾言。南北方俗不同。有可以德化。有可以威制。上曰。地有南北。民無兩心。帝王一視同仁。豈有彼此之間。汝謂南方風氣柔弱。故可以德化。北方風氣剛勁。故當以威制。然君子小人。何地無之。君子懷德。小人懷威。施之各有攸當。烏可槩以一言乎。○上諭守成之道。曰。人常慮危。乃不蹈危。常慮患。乃不及患。車行于峻坂。而仆于平地者。慎於難。而忽於易也。保天下。亦如御車。雖治平。何可不慎。○撫德州同知陳襲為太僕寺少卿。

鼻故元南臺御史大夫福壽之子至事高宗
上念其父死節特宥之擢是職仍賜鈔策

十二月徵士梁寅卒

其識字甚
大故著作
皆可以羽
翼六經

寅字孟敬臨江人。家貧力學累舉于鄉不第遂弃舉業
一時名士多與之交元為集慶路儒學訓導以親老辭
歸時天下兵起遂隱居教授及我明興徵天下名儒修
述禮樂寅就徵已六十餘矣時以禮樂制度分為三屬
寅在禮局中討論精審諸儒推服書成將授以官寅以
老病辭歸結屋石門山四方士多從之學稱為梁五經
至是卒年八十二所著有周易參議詩書演義周禮考
註春秋考義及漢唐以來君臣事畧宋元史節要及石
門集

雲南西平侯沐英入朝 上以諸夷憎服命即回鎮○南

安侯俞通源卒

涼州縣人號國公通海弟也。未弱歸附洪武三年以平
閩楚功封祿千五百石七年加二千石後以黨事發子

從祖誅、
不待嗣、

高麗國相李仁人、因禍而立其子昌爲王、遣使姜伯淮來
貢、尋仁人子成桂廢昌而立定昌國院君王瑤、主國事、
魯王卒、上諭禮部李原名曰父子天性、謚法公義朕不
得以私恩廢公義、可謚曰荒。

庚午

洪武二十三年

正月命晉王成祖分道伐虜、○貴州苗叛、延安侯唐勝宗
討平之、○斡賊湖蠻叛、命東川侯胡海爲征南將軍、帥師
十萬討之、師渡九溪、度天火嶺、六古罕洞擒獲蠻首
夏三八古皮等械送京師、還次賀山、擊斬蠻兵千餘、分道

勅捕散毛部落俘獲亦千計還京尋以公侯還鄉創賜海
金銀鈔幣歸老于家是年海卒○進士王希曾言其母任
氏之喪以改嫁服止暮年願終三年之制上命禮部議
之尚書李原名奏曰不喪出母古之制也希曾之母既以
失節難渝定制詔從之○通政使茹瑺引奏潮州府學生
陳質言父戍太寧已死今有司取其補伍自念從幼荷國
教育願賜卒業上謂兵部尚書沈縉曰國家得一卒易
得一才難此生既有志於學可削其兵籍遣歸進學縉對
曰此生學未見成效若遂削其兵籍則缺軍伍上曰人
才必養之未用之先而用之既成之後事有輕重難拘一

律苟軍士缺伍。不過失一力士耳。若獎成一賢才。以資任用。其繫豈不重乎。○定馬政。

初江南人。以十一戶養一馬。江北鳳陽。宿州等府。除和。二州止一戶養一馬。上念其勞逸不均。命江北民增至五戶養一馬。仍命太僕寺。江南江北各存牝馬萬匹。為孳生種馬。其餘悉發草地收放。江北之人。每戶再給鈔三百貫。別市傳馬。孳生以補其缺之數。其止從馬二匹。官止歲收一駒。餘聽民自鬻。其飛熊。廣武。英武。三衛校馬。亦如江北五戶之例。

二月考定王國合祀山川諸神。上曰。王國有嶽鎮。即以嶽為正。次海。次鎮。次瀆。風雲雷雨之神。又次之。于是禮官為圖以進。使頒之列國。復命東海。則燕齊皆祭。東嶽東鎮。齊魯皆祭。西海。秦蜀皆祭。晉祭北海。○國子祭酒宋訥奏。

破格

請在成均館學規立師道宿弊以釐至是疾卒上為
文遣官致祭故事文臣四品無給喪費者給自公始又
遣行人致祭于家為治墳
塋官其次子復祖為司業

涼國公藍玉討西番敗其衆于大渡河○龍州知縣陳敬
為吏部侍郎

三月燕王師至迤都故元太尉乃兒不花丞相咬住忽哥
赤知院阿魯帖木兒等皆降先是燕王出古北口諭友德
等曰吾與諸將軍受命提兵沙漠掃清胡虜今虜無城郭
居止其地空曠千里行師必有耳目不得其所難以成功
諸將皆諾即發騎哨得虜跡知乃兒不花等馳廬帳于迤
都遂進兵適大雪諸將欲止燕王曰天大雪虜必不虞我

大得房心

至宜乘雪速進遂抵迤都隔一磧虜不知也乃先遣指揮
觀童徑詣虜營觀童與乃兒不花有舊至即相抱持而泣
倉卒之頃我師已壓虜營虜衆大驚乃兒不花等欲上馬
走觀童諭以燕王至毋恐乃兒不花素聞燕王威德遂不
去觀童引之來見燕王降辭色以待之即賜之酒食令醉
飽慰諭遣還營虜甚喜過望遂無遁意將至營又復召來
如是者三於是悉收其部落及馬駝牛羊而還遣人報捷
京師詔乃兒不花等將校三百餘人入朝獻其銀印金錢
牌併所受元宣命以乃兒不花爲留守中衛指揮使阿魯
帖木兒爲燕山中護衛指揮咬住爲副都御史忽哥赤爲

工部侍郎賜紗帽金帶襲衣鈔錠有差

我聖祖于北虜未嘗須臾忘情云自克元都平關陞
後命大將軍徐達總兵北征者一而偏師勦擊不與焉當時
又專命徐達總兵北征者一而偏師勦擊不與焉當時
民厭兵革亦甚若其勞費故解縉等屢以為言然不知
我聖祖每一命將出師率以不殺為戒以不辱為
志言聖祖數兵于遠者哉其神謀遠畧蓋知國家之後
患在北虜耳觀其載之祖訓有曰東南諸夷限隔山
海後世勿得輕伐惟北虜我之世仇不可不嚴為備禦
則我聖祖屢征沙漠之心豈待已哉及成祖繼之
亦嘗三殄虜庭蓋其心即聖祖之心其所以伸成
于萬里之外者將以重休于萬世之久也卒之二百年
間西夷雖有侵陵未為大患而已己之變也先敢于犯
顯致國有不幸其蔽天之仇則聖祖之深慮而後世
至是為長險矣其與漢高安劉之說又將遠過之也
文選之臣所能窺測哉嗚呼當時東據遼東西抵甘肅
而大寧與和闐平東勝又相聯絡其間所以為其
而偏禦此虜者為甚嚴也其後大寧移而道遠之通
與和闐平沒而京師之屏薄東勝受降失而河套之患

勝多地陰
止要守非
以人

殷又哈密不復可魯番日肆憑陵而匈奴之古野不可
斷至于今日則蘇州之防甚危而宣大之徼尤廣又炭
炭手割膚之災矣既表猖獗日異月殊雖盜賊竊發于
中土倭夷踞梁于海濱而國家所當加意者則莫先于
是哉

四月置龍里衛指揮使司○築京城外垣

閏四月置五軍斷事司曰稽仁稽義稽禮稽智稽信○除
百官基年奔喪之制

舊以遇祖父母伯叔兄弟喪俱得奔計至是吏部言祖
父母伯叔兄弟皆是基年服若俱令奔喪守制或一人
連遭五六期喪或道路數千里則居官日少更易數繁
曠官廢事今後除父母承重者丁憂外其餘期年服制
不許奔喪但遣
人致祭從之

施南忠建二宣撫司蠻叛涼國公玉討定之○置平壩衛

指揮使司

五月詔在京官三年皆遷調○賜韓國公李善長死先是
善長坐他累削祿一千四百石既又以有胡惟庸黨類爲
言者上亦未之究也是春榜列功臣猶前善長會有星
變其占爲大臣災上疑之時大殺京民之怨逆者善長
請免其黨數人上大怒遂賜善長死

變鳳
步步從至
情難勘而
出於李李
韓氏子其
恐驚變而
不能成一
子

按韓國之獄當時羣臣皆不敢挾惟解縉虞部郎中王
國川論奏善善長冤狀辭極剴切事竟不行王書曰竊見
太師善長與陛下同一心出萬死以得天下爲勳臣
第一生封公死封王男尚公主親戚皆被寵榮人臣之
分極矣志願足矣天下之富貴無以復加矣若謂其自
圖不軌尚未可知而今謂其欲佐胡惟庸者按之事理
大謬不然人情之愛其子必甚于愛其兄弟之下安事
萬全之富貴哉豈肯僥倖萬一之富貴哉縉至病行奔

念快

切直至此

止亦無愧

尤是君子

所居

不為矣。善長於惟庸，則姪之親耳。陛下則子之親也。豈肯舍其子而從其姪哉？使善長佐惟庸成事，亦不過助臣第一而已矣。太師國公封王而已矣。尚主法妃而已矣。豈復有加于今日之富貴者乎？且善長豈不知天命之不可倖求，取天下于百戰而艱危也哉？當元之季，欲為此者何限？莫不身為蓋粉，世絕宮污，僅保首領者幾人哉？此善長之所熟見也。且人年過類，精神意慮鼓舞倦矣。偷安苟容，則善長有之。曾謂有血氣之強暴動感其中也哉？又其子事陛下，托骨肉至親，無纖芥之嫌，何得忽有深仇？急變大不得已之謀哉？凡為此者，必有深仇。急變大不得已而後父子之間，或至相挾以求脫禍。圖全身，未有平居晏然都無形迹而忽起此謀者。此理之所必無也。若謂天象告變，大臣當去，則殺人以應天象，夫豈上天之意哉？今不幸已夫，則而臣惡爾為明之俗類。陛下作威於將來也。天下孰不曰功如李善長，又何如哉？臣恐四方之解體也。事在寬延，事臣杜口，竟無一人為陛下言者。臣誠懼恥忘其疎賤，冀陛下萬一感悟，其就罪戾無恨。

以肅清逆黨事。命刑部尚書楊靖備條亂臣情詞播告天

下凡二十人

韓國公李善長、列侯胡美、唐勝宗、陸仲亨、費聚已故、
顧時、陳德、華雲龍、王士、楊璟、朱亮祖、梅思祖、陸聚、金朝
典、黃彬、都督毛讓、
顯、陳方亮、耿忠、於瑄

詔求仙人張三丰

仙何當以
虛心為宗
亦先知有
聖命而預
上知
下知
超擢太
常卿

按三丰一名玄玄、洪武初入武當山修煉、魁偉異貌、
暑一袖、或處窮寂、或游市井、浩浩自如、倘若無人、時
為張邈遐、有問之者、終日不答、一語、或與論三教經書、
則吐辭淩淩、皆本道德、忠孝、毋事來、輒先知之、所談斗
升輒盡、或辟穀數月、自若也、登山、其行如飛、或隆冬、臥
雪中、動靜如常、時既入武當、往來天柱、五龍、南巖、紫霄
諸名勝、洪武辛酉、道士富平丘玄清過之、為弟子、三丰
使居五龍、自結草菴于展旗峯北、洪武庚午、拂袖長往、
不知所往、至是、上遣三山道士請三丰、三丰不可、
見召丘玄清至、與語、悅之、拜監察御史、賜之金、辭不受、
超擢太常卿

雙槐歲抄云：瑤枝玉樹，屬仙家。未識人間有此花，清致不沾凡雨。燕高標，猶帶古烟霞。歷年既久，何曾老。塵世無雙，莫浪訪，便欲載回天上。去後，從博望借靈槎。此詩三手遞考，詠揚州瓊花，以自況也。永樂初，復某遣使致書求之，書函云：皇帝敬奉書真仙張先生足下。全文亦見雙槐歲抄，乃命給事中胡漢儒往物色之，不可得。粵清遠史曰：語云：神仙有無，何杳茫。天下豈有仙人，盡妖妄耳。今觀國初周顒仙及張三丰之事，則又歷歷皆實。有不可盡以爲誣者。要之天地間，固有一種仙風道骨，但仙凡路隔，不可力致而強爲也。

六月定東宮司經局官制。○選用耆民有才德，知故典者。○都勾安撫司散毛散狗長官司蠻民作亂，涼國公藍玉遣鳳翔侯張龍等討平之。○詔禮部制公侯伯屯戍百戶印，復賜錢冊曰：曩者朕與羣雄並驅於諸將中，拔其壯健者爲帥首，以統軍自渡江來，平定天下。今三十餘年，念諸

將老矣、今其錦衣還鄉、特命爾爲百夫長、各率兵百十有二人、以護衛其家、俟其壽老、子孫成襲、則兵皆入衛、罷其屯戍、爾尚欽哉、

先是公侯伯各賜卒百十二人、爲從者曰、奴軍、至是年老賜歸、設百戶一員領其軍、以護衛之、給以印冊、俾自耕食、於是魏國、開國、曹國、宋國、信國、穎國、永國、諸公、西平、江夏、長興、江陰、東平、宜寧、安慶、安陸、鳳翔、靖寧、會寧、懷遠、景川、崇山、普定、鶴慶、東川、武定、濬陽、懷海、全寧、西涼、定遠、永平、諸侯皆給以兵時號鉄番軍

七月在外軍衛水馬驛符驗時多假以營私、乃令都布按三司仍舊、其各衛所追取之、若有急、俾乘快船以行、

八月召涼國公玉還京、尋詔還鄉、賜資甚厚、仍命工部具舟送之、時宋國公馮勝、平涼侯費聚、皆于還鄉各賜金銀

鈔幣有差○改鑄監察御史印

先是既分察院爲河南等道每道鑄印二其文皆曰親
憲糾繹守院御史掌其事若無事則藏其印于內府有
事則受印以出復命則納之至是附御史奏泰言各
道印篆額類乃命改其制字號于十三如浙江道則曰
浙江道監察御史印其巡按印則曰巡按浙江監察御
史印餘亦如之惟浙江江西直隸府州縣事類制每道
鑄印五

定使節之制其式如漢節長三尺旌牛尾三重

九月以福建右叅政王純爲浙江左布政使

按純故元進士入國朝歷官布政使嘗持節巡諭處州
平陽宣慰司贈遺金具卧起不受或勸曰不受固善恐
衆人懷疑生變不若受之乃
受每悉以輸雲南布政司庫

十月命劉基孫劉薦襲封誠意伯復以基次子仲璟爲閩

門使

初基壽止其身不世學院而某情忤胡惟庸為所害基子璉為江西參政又為惟庸黨誅立木所背發情成疾卒于官及惟庸敗璉尸體之命璉子為襲封增祿二百六十石共食各五百石賜葬券于孫州襲

名傳會選
成

命禮部試侍郎張智翰林劉三吾同徵至者儒臨安錢宰等修纂書傳上以蔡氏書傳註說多有未安者命儒臣開局翰林院凡蔡氏傳得者存之失者正之又集諸家之說足其未備書成賜名書傳會選命禮部刊行

按野史云高皇帝聖學起隆以尚書為宗和惟天陰寓于民一節蔡沉注誤常問學臣七取友於蔡然其編修蔡氏與陳氏所以蔡氏所說對上曰朕自定兵迄今未嘗不聽其言可謂儒士而後國命諸儒臣以正為書傳卒以蔡氏天學在具界曰凡前元科舉尚書皆以蔡氏為上其天文一節已自左澤諸日月蓋天而左旋

理必竭之
指實

天生奇人
以補不足

今即觀亂象甚為不然當依朱氏詩傳十月之文註文
為是又知此說內惟天陰陽下民相感居一節但以
天言不如陰陽下民乃天之事相感則乃人初之說
天之陰陽下民者何哉雨露均調四時五穀皆實立
至民之命此天之陰陽也君之相感厥居者何哉五教
以教民明五刑而為政使強不能凌弱眾不得暴寡而
各安其居也若知此民之說則相協厥居事皆付之於
天而君但安爾自若奉民對民之政畧不相與又豈天
佑下民作之
君師之意哉

時并令儒臣修孟子節文先是 上覽孟子至草芥寇讐
之說大不然之謂非臣子所宜言議欲去其配享詔有諫
者以不敬論且命金吾射之刑部尚書錢唐抗疏入諫與
觀自隨袒胸受箭曰臣得為孟軻死死有餘榮 上見其
誠懇命太醫院療其箭瘡而孟子配享得不廢至是乃命

韻會定正

修孟子節文凡不以尊君為主

如諫不聽則易位及君為輕之類

皆刪去

永東曰孟子云錢宰破微子京同諸儒修纂尚書會選孟子節文取日微吟曰曰鼓樂樂起者衣午門朝見尚嫌遲何暇得進曰開樂時到人間鼓樂時察者以聞明日文華宴重直諸儒論之曰昨日好詩然得音嫌汝何不用夏字寧等驚悚

謝罪未幾皆遣還

詔刊行韻會定正時洪武正韻頒行已久上以其字義

音切未盡命翰林重加校正學士劉三吾言前太常博士

孫吾與所編韻書本宋黃公紹古今韻會凡字切必祖三

十六母音韻歸一因以其書進上覽賜名曰韻會定正

命刊行之

十一月以重慶府永川縣知縣王佐為翰林侍讀○置景

東蒙化二衛

十二月購遺書福建布政司進南唐書金史蘇轍古史○
擢夷陵州學正張智爲禮部試左侍郎鞏昌教授李木立
爲翰林院編修○國子生程通言其祖父以罪謫居陝西
年過七十無他子孫侍養乞放還鄉里俾得就養上憐
其志從之○是年潭王梓暴卒○航海侯張赫雄武侯周
武卒

按赫以歲督海運功封者後追論監案國除武
以從平西番功封侯至是九十子與襲指揮

相人袁珙入燕

珙彰縣人字廷玉少游海上遇異人授相術論人吉凶
輒驗燕王聞其名密召至北平一見伏地叩頭仰對曰

及來言
內合真神
術也後

奇驗

卷九

十三

殿下龍質鳳姿。天高地厚。大明麗中。神畧內蘊。真太平
天子。燕王問度在幾何時。對曰。年踰四十。紫髯過膝。當
是時。操亂反正。萬邦一統。王喜。留府中久之。已而乞歸。
靖難後。召珙為太常寺丞。子忠徽序班。出金錢幣厚賞。
珙。廷待北京。召珙父子至行在。出入禁兵。未幾。珙請老。
卒。贈太常少卿。忠徽能傳父術。建文初。文皇召問忠
徽對曰。天命有之。無憂也。獻人象大成書。靖難後。除忠
徽戎籍。會有言楚王子重瞳者。遣往視。還奏無他異。宣
德中。常侍上言。天顏慘肅。恐宗人有急。憂謀。上者
未七日。樂安反書至。官尚寶少卿致仕。卒。年八十三。
辛未 洪武二十四年

正月命都督劉真創立甘肅城池。操練軍馬。及提調屯種。
二月。擢河間府景州學學正胡委安。試國子祭酒。○上閱
漢書。賜民爵之。令謂侍臣曰。漢高祖立社稷。施恩惠。賜民
之爵。子孫相仍以爲法。或遇有事。輒賜民爵至二級三級。

所種或未
必於所用
而餘名民
力之意為
無所失

者。又聽民轉移與子。甚無謂也。夫爵所以命有德。禮曰。以
賢制爵。豈可濫及乎。且天下之人。無賢不肖。樂賜以爵。則
賢人君子。何以爲勸。高帝貽謀若此。誠未盡善。○改封豫
王爲代王。漢王爲肅王。衛王爲遼王。○以海運及防倭戰
船。所用油漆棕纜。悉出于民。爲費浩繁。命種桐漆樹于朝
陽門外鍾山之陽。

三月廷試進士。賜許觀等三十一人及第。出身有差。○故
元遼王阿札失里冠邊。屯朶顏山。命傅友德。郭英總兵討
之。師至哈者舍利王。友德遽下令班師。虜聞之。以爲然。越
二日。復趣師深入。至黑領雅山等處。次洮兒河。獲人口馬

匹甚多、還至金鞍子山、復征黑領寒山、至磨鎌子海、打蘭
尖山、追虜酋札都、遂征黑松林之北、野人所居熊皮山、追
達達兀刺罕、掩襲虜衆、大獲人馬而還、

定遠黃全曰、額公之爲將也、英姿颯氣、猛奪虎視、出奇
制勝、料敵如神、鐵騎長驅、橫驚千里、或降王破國、或斬
將塞旗、威震朔南、胡虜畏其犂庭、鑿夾爲之禡、龜、豎功
甚烈、足以冠策府而銘鼎彝、蓋天眷聖祖、啓萬年之
典、邇故生此名臣、惟陷麻清、佐成混一、不叛之業、如此
夫、豈偶然而已哉、建按我朝、論開國功臣、必以六王
爲稱首、然以傳額公之勲烈、較之、其猶在寧河東甌之
上、與開平岐陽比肩乎、奈何卒累黨禍、襲封無聞、今六
王之後、咸復侯封、而無
人爲額公訟者、惜哉、

徐輝祖、李景隆、藍玉、桑敬、馬鑑、嚴麟、朱銘、徐質、陳義、徐增
壽、往陝西等處防邊、賜詔有差、○上謂廷臣曰、朕嘗命寺

聖朝真宗
正此即
心之得力

人發庫藏中古鏡十餘，以鑑容貌，多失真。召冶工數人問之，莫能答。最後一人言：「北工以鑄鏡範模不正，故鏡偏邪。照人失真，朕聞之，惕然感悟。人君主宰天下，心有不正，百度乖矣。正心之功，其可忽乎？」

四月，鑄渾天儀。○上謂後軍都督沐春曰：「虜人遠遁，塞外清寧，已置大寧都司，及廣寧諸衛，足以守邊。其守關士卒，已命撤之，而山海關猶循故事，其七站軍士，雖名守關，實廢屯田養馬，自今一片石等關，每處止存軍士十餘人，畿察逋逃，餘悉令屯田。」

五月，詔定文武官封贈，遵舊制。一品封贈三代，二三品封

贈二代四品至七品封贈一代時廷臣有奏廢子襲父職例止封贈嫡母而不及所生母劉三吾亦奏宋制以子貴母亦以生子之秩封贈詔從宋制○更定六科官制

六月頒書籍於北方學校

七月定生員巾服之制上以學校爲國儲材而士子巾

服無異吏胥宜有以甄別之命工部製式以進上親視必求典雅凡三易其制始定襖衫用玉色絹布爲之寬袖

緣阜條軟巾垂帶由是士子衣冠綽有古風

傳信錄云上有天下欲密察民情傳教爲嚴行一日至神樂觀見一道士于窓下結網巾問曰此何物耶對曰此網巾也用以裹之頭上則鬚髮皆齊矣上去明日朝罷上曰召神樂觀昨日結網巾道士未至則令

裂從何妨
北廷十亦
河人哉

甚重其事

爲道官。仍命取其綱中十三而頒示十三布政司使。人無貴賤皆首裹制巾。遂爲定制。蓋自元以前無此。建按我六祖創法垂憲不特見于禮樂刑政之大端。士庶中服之微亦莫不創制宜民茲此後聖雖有作者其莫之能易也夫。

以彭友信爲北平布政使。

按友信以貢至京師遇 上微行占虹霓詩二句云誰把青紅線兩條和雲和雨繫天腰命續之友信應聲曰玉皇昨夜鑒輿出萬里長空跨玉橋 上大悅問其籍命翌辰候于竹橋同人朝友信如言候久不至遂入朝召信上殿前問故具以實對曰此秀才自學有行遂授是職。

八月皇太子巡撫陝西○命都督宋晟劉真統兵征哈密哈密去肅州千餘里虜所城也晟等兵至其城破之擒其僞王子別列怯曲王桑里失哥知院岳山等殺其國公阿

朵只俘獲虜衆千三百人及金印一銀印二悉送京師○
賜長興侯耿炳文緡錢五萬造第鳳陽鈔二千錠與韋先
瑩黃金四錠白金四十錠鈔一千錠彩段三十表裏優老
于家○翰林院侍讀陳迪爲山東布政司參政捕蝗弭盜
民甚德之

九月遣主事寬徹御史韓敬評事唐政使西域○定文武
百官入朝次序○詔定建寧貢茶額例

按天下產茶去歲歲貢皆有定額惟建寧茶品爲上所
產有探春先春次春紫芽及薦新等號其所進者必碾
而揉之爲大小龍團上以重勞
民力罷造龍團惟採茶芽以進

罷閭門使○嘉興府通判龐安獲私鬻鹽徒送京師而以

不惟省民
力且全
物性

鹽賞其獲者戶部以其違例罰償鹽入官且責取罪狀安
上言律者萬世之常法例者一時之旨意豈可以一時之
例壞萬世之法今欲依例而行則於律內非應捕人給賞
之言自相違背自失信于天下也。上是之詔論如律。

十月南豐縣典史馮堅言九事。一曰願養聖躬以爲民社
之福。二曰慎擇老成之臣以爲諸王之福。三曰攘夷狄以
爲中國之福。四曰精選有司以爲民生之福。五曰褒封祀
典以勵忠烈。六曰減省宦官以防內權。七曰調易邊將以
防外患。八曰採訪廉能以懲貪墨。九曰增置關防以革奸
弊。書奏。上曰所言知時務達事變但調易邊將一說未

遺將有必
不可調者
有不可不
調者堅與
聖祖之訓
政可奉川

華明後信錄

卷九

十七

然若邊將數易則兵之材力勇怯虜之出沒情狀山川形勢險阻不能熟知何以制敵使其如趙克國班超輩惟恐任之不久何以數易哉然堅之言關於政體者多是可嘉也遂命吏部擢堅為都察院右僉都御史○以吏部考功主事周丹為新化縣令

丹初縣進士授新化令在官以廉勤稱門無私謁吏卒不敢欺驗民貧富及丁稅多寡第為上中下籍記之遇有賦役隨輕重使之故民不擾而事易集至于獄訟文牘皆躬理之吏胥不得為奸罷諸役使民晏然安業流民之歸者益衆滿考課最優功主事既而縣民蕭俊等詣門乞命再任上命吏部得復為縣令仍命禮部宴賞焉

遺之二

湖廣寶慶衛百戶舍人倪基言四事一任用武臣二制民

之產。三興舉社學。四選賢授職。上嘉之。命叅贊清平衛軍事。

十一月。命賞民間子弟能誦大誥者。○皇太子還自陝西。志欲定都洛陽。爲圖以獻。

勅景川侯曹震往四川治道路

功在萬世

十二月。命景川侯曹震往四川治道路。震至瀘州。按視有支河通永寧界。乃鑿石削崕。直接其地。以通漕運。復開陸路。作驛舍郵亭。駕橋立棧。自茂州一道。至松礮。一道至貴州。以達保寧。通陝西。由是往來便之。○勅禮部清理釋道二教。凡各府州縣寺觀雖多。但存其寬大可容衆者一所。併居天下僧道。有創立菴堂寺觀。非舊額者悉毀之。○龍

曲成不遺

江衛吏以過罰書寫值母喪乞守制吏部尚書詹繼不許
吏擊登聞鼓備條上切責繼曰吏雖罰役天倫不可廢使母
死不居喪人子之心終身有歉夫與人爲善猶恐其不善
者若有善而阻之何以爲勸繼大慚吏得終喪○是年擢
寧海儒學訓導閻文爲燕府右長史南昌儒學訓導曾恕
爲周府左長史徽言訓導秩滿例陞教諭今授長史越資
宜試職上曰師儒職雖卑其道則尊不可以資格論遂
實授仍賜冠帶文綺襲衣

壬申

洪武二十五年

正月征古州諸洞蠻首克銀賴洞及三門合水古州蒲洞

聖祖親親
之仁至矣
如靖江之
不悔何
有子

克銅鑼蠻。○命五軍都督府。程督天下南所在屯軍八樹
桑、棗、柿、栗、胡桃之類。○穎國公傅友德請懷遠等縣官地
為田園。上曰：爾食祿數千而猶請地，獨不聞公儀休事
乎？德慙而退。○靖江王守謙卒。

按守謙，南昌工孫，文正子也。初，文正有罪，謫死桐城。
上有守謙于宮中，教訓甚篤。既長，諱之靖江，而陰賊陰
狎，比小人肆為淫虐。上未忍置于法，召還京師，戒諭
之。守謙復肆怨望，作詩譏刺。上復容貸，使居鳳陽，力
田，冀知稼穡艱難，以保富貴。經七年，以其久歷艱苦，復
其爵。鎮雲南，奢縱如故，軍民怨咨，猶不忍置罪。仍召還
安置鳳陽，益復橫恣，強取牧馬，暴掠一鄉。乃召至京，苦
而禁錮之。至是卒，以其長子贊儀為世子。恭獻好學能
書。

二月，命通淵兵克龍里四寨，又克酒洞及赤沙、上黃、洪州。

遶洞。○詔凡親王及功臣賜謚，令禮部行翰林院擬奏，請
旨。

洪武之尚為吳也，諸功臣死事及有勞而天者，皆榮公
侯之爵，而傳之謚，其于宗室諸子王尚有評，即魯秦二
王猶命之曰荒，曰愍，不以子故廢天下公，故終高帝世
文臣弗謚也。武臣即都督弗贈，侯伯弗謚也。至建文而
侍制王禕得謚文節矣。文臣之有謚，自禕始也。其謚小
臣者，亦自禕始。永樂制嚴矣。終太宗世，文臣之得謚
者僅姚恭靖、廣孝、胡文穆、廣而恭、靖之爵，則公也。文臣
之有謚，僅文穆一也。洪熙初，始大合故臣凡勞于國，值
于青宮，三品而上，易名者十餘人，而後文臣之謚廣。然
宣英之代，猶斤斤焉，持其柄而不輕予。故文臣之有榮
愿也，則取弗掩也。文宗之以爵也，文愍之以事也。庶幾
窮賤矣。婦人之有謚也，自后妃而外，則死節也。公主之
有謚也，自仁宗之降愛女始也。乳媼之有謚，與乳媼
之夫之有謚也，亦自宣宗始也。方士之有謚也，自
世宗始也。謚而同字，淫矣。而使方士得之，豈淫矣。高
世宗之季，又得二字焉。夏文愍替素，則同司，皆中謚。及

惟慎惟公
則議之者
息矣

身以罪死，易世而後，率復所得者，中下謚也。繼而嚴氏持秉，則其子為市焉，非上所甚注懷者，必省而後得。即得之不腆，不上謚，及身以罪竄削，弗謚也。夫謚者，人主之春秋，尊則稱天以命之，不尊則與天下共諒之。而奈何為大臣修怨賈利地也。然則如之何。其必畧採唐宋故事，遇大臣以謚請，有俞旨，則翰林之司策者為議而定二謚焉。以授禮科，科詳之，復議而上之。閭臣復表而取上裁。凡文臣二品以上，及勳臣親公必謚，侯伯之蒞軍府，加保傳必謚。謚兼美惡，二品以下，自卿佐以迄庶僚，有德行政術，亦有謚。謚則言官請之，禮部裁之。有美無惡，可也。自國初以至先後勳臣，若傅友德、徐輝祖之類，文臣若章濂、唐鐸、胡儼、魏源之類，武臣若劉玉馬、王永效之類，諫臣若楊瑄、黃華、王思、楊爵之類，儒林若吳與弼、陳獻章、胡居仁之類，文苑若李夢陽、何景明、楊慎、李攀龍之類，追之以謚可也。勳臣若李善長、馮勝、廖永忠、耿炳文、丘福之類，文臣若陳循、徐有貞之類，追之以謚，謚而不盡蔽瑕，可也。又若干謙者，易之以上謚可也。萬安、劉吉、汪鋐、張璠者，易之以下謚可也。凡此數者，皆謂與天下共諒之，按法于賞罰之外，而勿使人得而議其後者也。

列侯諸將練兵西北諸塞。○高麗李成桂、由其主瑤而自王。

三月克楊潮三達及龍寨兩洞、俘斬蠻賊數多、諸洞悉平。○舳艫侯朱壽率舟師海運。

四月二十五日、皇太子薨、謚曰懿文。○涼國公藍玉征

罕東。西戎部落○都督總兵聶緯討建昌叛酋月魯帖木兒。

五月、俞通淵班師回京、上進封越雋侯。○陞陝西寧夏

衛副千戶何忠為指揮僉事、先是忠以所管軍士缺伍、削官以副千戶郭德代之、忠乃詣闕自陳、上問曰、爾非萬戶何勝孫乎、忠對曰、是也、上諭兵部曰、忠之祖勝、昔為

太子仁孝
中外歸心
天下思慕
外勝民之
小爭也夫

天性忠愛

萬戶克淦和二州有功及渡江父震亦從征有功後勝父子俱死行陣今忠雖坐軍律當免然念其祖父宜報之於是宥忠罪陞為本衛指揮僉事子孫世襲

六月西平侯沐英卒上哭之慟輒視朝親製文遣祭封

黔寧王謚紹靖

時英守雲南開皇太子薨號泣不輟遂致失聲飲食為少是月丁卯卒年四十八聖祖功臣廟仍配享太廟顯三代昔王爵英為人寬洪沉毅識明而見高謀深而慮遠臨事果斷賞罰明信用兵如神有功不伐居貴不驕凡得上賜悉以給將士故能得其死力其鎮雲南也簡官僚條惠政剔奸姦恩威並施教化大行雲南遂為繁

土

選秀才張宗濬等俾隨詹事府左右春坊分班直入華蓋

殿侍講畢。近前說民間利害。田里稼穡。間陳古今孝弟忠信文學材藝。日以為常。禁○者○不○能○

七月。上御右順門。與侍臣論治道。因及理亂。上曰。為

治之道。有緩急。治亂民不可急。急則益亂。撫治民不可擾。

擾則不治。故烹鮮之言。雖小。可以喻大。治繩之言。雖淺。可

以喻深。○教官訓導有給由到京者。上問民間疾苦。尚

嵐州學正吳從權。山陰縣教諭張恒。皆以守職在學。于民

事無知對。上以二人概言不知。詐也。乃歷指古人身在

田畝。其心常在朝廷。舉伊尹。寧戚。漢賈誼。董仲舒。唐馬周。

宋李沆。事以責之。復諭宋儒胡瑗為蘇湖二川教授。其教

諸生皆兼時務。治民治兵、水利、算數等事。當時得人皆繇其教授有法。今汝所言平日在學不出、不出則所教何事。民情不知。世務不通。所訓生徒雖有聰明賢才。亦爲汝等所壞。使天下教官皆效汝等所爲。朝廷焉能得人。顧謂刑部臣曰。若二人者。立心不誠。豈能爲聖賢之教。虎賁廩祿。無補于時。宜竄之極邊。其以榜諭天下學校。使爲鑒戒。○琉球中山王察度遣子弟學于國子監。上喜。禮遇優。賜閩人三十六姓善操舟者。令往來朝貢。

按琉球在海東南。自福建梅花所開洋。順風利船。七日可至。漢魏及唐宋不通。中國隋嘗遣兵虜其男女五千。人元遣使招諭。亦不從。洪武初。國分爲三。中山王察度。山南王永宗。山北王伯芝。皆遣使朝貢。其俗以蠶桑。

為時辨以草木為冬夏人皆去髭鬚手羽冠毛衣無禮節好新故既遠人學于國學夷習稍變奉正刑設官職破服冠裳陳奏表章幸作篇什在華風厚

命普定侯陳桓往陝西修連雲棧以入四川都督王成往貴州平險阻治溝澗架橋梁以通道路

八月葬懿文皇太子○改建宗人府五府六部太常司官署

時刑部已置西北太平門之外乃以宗人府吏戶禮兵工五部列于廣敬門之東中左右前後五府太常司列于廣敬門之西悉改造令規模宏壯命主事高有常董其役

靖寧侯葉昇坐交通胡惟庸事覺伏誅○頒醒貪簡要錄上諭廷臣曰四民之中士最為貴農最為勞士之最貴者

何。請聖賢之書明聖賢之道。出爲君用。坐享天祿。農之最
勞者何。當春之時。鷄鳴而起。驅牛秉耒而耕。及苗既種。又
須耘耨。炎天赤日。形體憔悴。及至秋成。輸官之外。所餘能
幾一或水旱蟲蝗。則舉家遑遑。無所望矣。今居官者不知
吾民之艱。至有刻剝而虐害之。無仁心甚矣。於是命戶部
臣備錄文武大小官品。歲給俸米之數。以米計其用穀之
數。又計田畝出穀之數。與其用力多寡而爲之書。至是編
成。賜名曰醒貪簡要錄。頒布中外。俾食祿者知所以恤民。
九月立嫡長孫允攸爲皇太孫。以修撰黃子澄兼少詹
事。侍東宮講讀。遣都督宋晟總兵征罕東西番叛寇。孫

斬七千餘人、獲馬二千五百、牛羊十萬而還。○遣都督周興、總兵討故元逆臣也速迭兒。先是藍玉北征、虜主脫古思帖木兒走至也速迭兒之地、爲所弑。其部屬皆奔散來附。至是興等進討、追至徹徹兒山大敗之。胡寇自是不敢近邊者十餘年。○時朝廷訪求通曉曆數、推往知來、試無不驗者、必爵及封侯、食祿千五百石。山東監生周敬心上疏切諫。

其略曰：國祚修短、在德厚薄、非曆數可定。陛下但當修德、則皇祚可傳萬世。何必問諸小技之人耶？又言：陛下遣年遠臣、臣民萬口一辭、皆知爲恥、不得其傳國寶、欲取之耳。至三傳國寶出自戰國楚平王時、以卞和所得之玉琢之、名曰和璧。自是以來、歷代珍之、遂有是名。今陛下遣使求之、臣恐其不復有也。臣聞古之六寶、曰位、何以守位、曰仁。

潔言之

忠臣之口
仁人之心

是知仁乃大君之寶。玉璽非寶也。且戰國之君。務先得寶。而國不守。五代之君。皆得寶。皆不終墮。而亡。蓋凡知玉璽之為寶。而不知仁義之為寶。故也。天下治安。享國長久者。莫如三代。三代之時。未嘗有玉璽。是知有天下者在仁義。而不在此璽。亦明矣。今為取寶。使兵革數動。軍民困苦。是忽真正之大寶。而易無用之小寶也。聖人智出天下。明照萬物。何乃輕此而重彼。愛彼而不愛此耶。又言方今力役繁興。戶口雖多。而民勞者衆。賦歛過厚。倉廩雖實。而民窘者衆。教化薄矣。而民不悅。所謂徒善也。法度嚴矣。而民不服。所謂徒法也。昔者汲黯言于漢武帝曰。陛下內多愁。而外施仁義。奈何欲効唐虞之治乎。方今國則頗富。兵則頗強。城池則頗高。深宮室則頗壯。麗土則頗廣。人民則頗衆。於是多取軍士。廣積錢糧。征伐之功。無虛日。土木之工。無已時。如之何其可治也。又言洪武十二年。欽錄天下官吏。十三年。連坐胡黨十九年。起天下積年民害。二十三年。大殺京民。不分賊否。一條殺之。豈無善人君子。誤入名所之中。方今水旱連年。未臻大稔。未必不由殺戮無辜。感傷和氣之所致也。疏奏。上頗納其言。自是北征之議稍息。

救國雜記謂此疏三千餘言。餘若通鈔法。慎爾官。罷充
軍等事。皆切時弊。無官守言責。而能直言極諫如此。何
其壯哉。不
可泯也。

以方孝孺爲漢中教授。詔許水陸給舟車赴任。至官。日與
諸生講習聖學。蜀獻王聞其賢。命世子受學。名其讀書之
廬曰正學。

孝孺字希古。台州寧海人。父克勤。知濟南府。有異政。孝
孺應領絕倫。雙眸炯炯。一目十行。俱下。積寸爲文。雄邁
醇深。鄉人呼爲小韓子。見典冊所載聖賢遺跡。欣然有
願慕之志。從宋濂游。同門多天下名士。一旦盡出其下。
先輩如胡翰。蘇伯衡。皆自謂弗如。孝孺顧未視文藝。恒
以野玉道爲己。伍進修所請。片異而歲不同。世咸以爲
朱程復出。嘗卧病絕糧。亦處之泰然。洪武十五年。以失
言。見上。喜其舉動端整。謂皇太子曰。此壯士也。
定爲下註。選至孝。然。不註。曰。異人也。不能川。

詔爲子孫光緒是矣孝滿歸其時孝遂若終身主是
復敬至上方重賞其其志孝遂若終身主是
用孝滿時乃除是職陳建曰孝滿在洪武建文間卓
然爲一世儒宗洪武末太祖大漸道令必生若孝滿
孝滿回職重異才而我太祖所以待之者亦異
矣語口知臣及若君若我太祖深如孝滿哉

高麗權知國事李成桂請更國號命改爲朝鮮○疏鑿
溧陽銀堡東堤河道

自十字港至沙子河凡三千九百六十丈又沙子河至
燕莊堤凡三百六十丈計役嘉興等府州民丁三十五
萬九千七百八人崇
山侯李新督其工

十一月藍玉兵次栢興州遣百戶毛海以計誘致月魯帖
木兒檻送京師伏誅遂于卽部州築城置越雋衛鎮守之
○命儒臣重定中外文武百官品階勲祿之制惟醫學陰

賜僧道官不給祿

十二月以馮勝傳友德李景隆藍玉詹徽茹常任亨泰杜澤楚樟唐鐸楊靖皆兼東宮師傳等官

閏十二月翰林學士劉三吾罷三吾自陳嬖戶部趙勉夫婦坐法皆素失教誨當引退以勵廉恥吏部以聞遂免官
○上患熱病危甚諸御醫進藥皆無効俄有赤脚僧詣闕下云天服尊者及周顛仙遣進藥視其藥一曰溫涼藥二斤一曰溫涼石一塊其方用金盆盛石磨藥注之沉香醖以服上服在未時至酉末遍體抽掣藥之効也其藥味香若菖蒲而酸底凝朱紅彩迥異是夜病愈精神日強

仙藥神丹
世亦有之
今無可考
至如周顛
仙者
相習知之
其不為本
道之會明
此大作
聖躬以

民社無疆
之相宜也

大科聖
相之教

癸酉 洪武二十六年

正月、中軍都督僉事徐司馬卒

司馬即賜名字從政世為揚州人元季兵亂司馬生元
歲無所依上得之養以為子既長出入侍左右從
征伐有功歷歷中軍都督僉事二十五年神機征越
還至成都次作至是卒司馬好文學品恭謙無
卒賦恤貧窮尤敬士大夫公事之暇退居一室蕭
然如草布之士自少富貴家無餘資人皆賢之

二月遼東開元衛軍士馬名廣上言五事一曰瀋陽廣寧

義州舊皆有學今宜復舊二曰天下學校教育人才其出

于工商技藝之家者稍涉膚淺即欺人傲物管子曰工商

雜類不預士伍萬一任之以政必無益于治三曰狹鄉之

民遷于寬鄉地有餘而民力不給則分兵以屯之庶民無

言者為家
二故可取

游食之憂兵無坐食之害四曰兵老而家無丁者除其籍
 庶免有司勾補之勞五曰今華夏治安夷狄遠遁正歸馬
 放牛之日外衛軍士老死者免補且漸收舊衛移置京畿
 命禮部擇其可者行之授吉安太和縣縣丞○晉王統山
 西河兵出塞捕虜○曹國公李景隆市馬西番○殺涼國
 公藍玉吏部尚書詹徽

按王始以常聞平妻弟從征累功任大將所向多克捷
 素無復不學詩功績甚多故天子數召會民田民訴
 之則失王提帥史澤為之止征遂和兵無異比度喜
 率關關吏以夜不即就殺門而入上聞之怒會有許
 其陰謀者上詰責之王不為言每上宴客止停飲
 總兵在外專制關關吏于遠近出納進征西歸意望進
 新時已封涼國公上命知人傳上不喜曰吾功不得
 為人師乎人亦不我信上不信王退曰疑我矣遂為逆謀

一言教身
疾之謂也

大德元和

得司職

掌

錦衣衛指揮蔣獻上告捕訊 上集羣臣廷議王強猷
轉展攀榮不肯服吏部尚書詹徽叱王吐實無徒株連
人王大呼曰徽即吾黨遂并殺徽時鶴慶吳張翼普定
族陳桓鮑繼侯朱壽吉安侯陸仲亨南唐侯趙廉靖寧
侯葉昇翰林典籍孫質等數百
子奚皆坐連黨凡戮數萬人

上以諸司職有崇卑政有大小無方冊以著成法恐後之
蒞官罔知職任政事施設之詳乃命克誠同翰林院儒臣
倣唐六典之制自五府六部都察院以下諸司凡其設官
分職之類類編爲書至是始成名曰諸司職掌詔刊行頒
布中外○驗封主事翟善署吏部事尋爲尚書 上自即
位以來封賚功臣皆稽考前代典禮凡封爵祿食禮儀等
差悉倣唐宋之制其間因時損益皆適其宜然諸功臣多

帝制集

武人不知書往往恃功驕恣踰越禮分甚或肆情廢法奢
僭不度及藍玉以反誅籍其家見其服舍器用僭侈踰制
上因詔翰林院稽考漢唐宋功臣封爵食邑之多寡及名
號虛實之等第編輯為書名曰稽制錄御製序文頒示功
臣使之朝夕省覽以遏其僭奢

巡長官
諸方得
命
漢法
漢法

三月 上諭戶部曰朕捐內帑之資付天下青民糴粟以
儲之正欲備荒歉濟飢民也若歲荒民飢必候奏請道途
往返動經數月則民之飢死者多矣爾戶部即諭天下有
司自今凡遇歲飢則先發倉廩以貸民然後奏聞著為令
四月太白經天京師大旱求直言錄囚徒

五月陝西民有坐事謫戍邊妻病留中途其弟夫婦請代
往監送者聽之御史責弟不當代兄并罪監送者其人訴
于朝上曰弟之代兄義也監送者能聽其代是亦有仁
心矣命賜其弟道里費而併賞監送之人○魏國公徐輝
祖崇山侯李新素考稽制錄所載公侯家人及儀從戶存
留如制餘請給付有司得類失上命發鳳陽隸籍爲民

六月郁新茹常嚴震直爲戶兵工部尚書

八月詔褒吳浦江鄭氏累世同居家範克篤里人王氏効
之遣官簡拔二家子弟年三十以上者赴闕既至令自推
舉乃以鄭濟爲左春坊左庶子王勳爲右春坊右庶子

渝江鄭氏自其祖綽教子孫勿異費至清傳十世矣食
指至子餘人田賦各有所司凡出納雖絲毫咸有文可
覆無敢私諸婦惟事女工不使與家政子孫驍行孝謹
執親喪哀毀三年不御酒肉家畜兩馬一出則一爲之
不食其家僅施慶居親喪哀泣不輟亦三年不御酒肉
其所感如此家以田多推擇爲根長數以事入覲土
藏之後被人妄計其家與推臣通財時嚴通財禁與之
誅犯者不問實與不實必死而獲其家其宗長鄭濂與
從弟湜兩人爭先就吏上獨憐之曰我知鄭門無是
也人誣之耳擇湜福建布政司參議上問濂治家所
以長久之道對曰守家法不聽婦人言而已上深嘉
之至是尚書嚴震直述其家世孝友以聞遂有是詔
徙慶靖王于韋州原封慶陽名梅余如所生

九月復以劉三吾爲翰林學士○河南按察司僉事王平
巡按至孟津有司歛衆財以賂平平械其人并所賂來奏
上嘉平得憲臣體命賜平文綺襲衣及鈔百錠書吏衣鈔

減平之半。仍以勅書勞勉之。○頒大成樂器于天下。令有司如式製造以祀孔子。

十月徙封岷莊王于雲南。○改建翰林院詹事府太醫院于皇城東南。宗人府後。○勅宗人有文武才能堪任用者。宗人府具名。上考驗陞轉。如常選法。宗人有罪。宗人府即訊量罪降最重者。奪爵爲庶人。不即刑。

十一月。京荒。何廸作亂。廣東指揮使司遣兵擊敗之。獲送京師伏誅。○封皇子櫓爲谷王。以劉璟爲谷府長史提督。調燕代肅遠慶寧六府事。○擢泰州訓導門克新爲左贊善。紹興府教授王俊華爲右贊善。時天下學官入覲者。

領承繼公

漢世臣總錄

上親詢以民間政事得失在列者多應對不稱有獨克新敷奏亮直俊華善文辭故有是擢上召二人謂之曰所以左克新而右俊華者重直言故也

十二月永鑑錄成頒賜諸王其書輯歷代宗室諸王爲虐悖逆者以類爲編直叙其事又輯歷代爲臣善惡可勸懲者名曰世臣總錄頒示中外羣臣

甲戌 洪武二十七年

正月勅建漢壽亭侯關羽廟于雞鳴山之陽與歷代帝王及功臣城隍廟並列通稱十廟云○詔武官子弟習騎射○改中都留守國子監爲鳳陽儒學○榜示天下寺觀僧

今編地井
足編流題
納說從而
府之是一
臣愛也

盡心

道俱不許奔走于外及交構有司以書冊稱為題疏強求
人財。其一二人于崇山深谷修禪及學全真者聽三四人
不許。毋得私朔菴堂若遊方問道必自備路費毋索取于
民。所至僧寺必揭周知冊驗實不同者拏送有司問充軍。
不許民間兒童私自削髮為僧違者并兒童父母皆坐罪。
○上諭工部曰人之常情安於所忽飽則忘飢暖則忘寒
不思為備一旦卒遇凶荒則茫然無措朕深知民艱百姓
以勸督之俾其咸得飽暖比年以來時歲頗豐民庶給足
田里皆安若可以無憂也然預防之計不可一日而忘
工部其諭民間但有隙地皆令種植桑棗且授以種植之

內外一
所偏其
已多况
未相及

法。又令益種綿花。率獨其稅。歲終具數以聞。

二月都督劉德商。謁巡視兩浙防倭。上與侍臣論人主
聰明。不可使有壅蔽。學士劉三吾曰。人君惟博集衆論。任
用賢能。則視聽廣而聰明無所蔽。若信任奸邪。隔絕賢路。
則視聽聰明。爲所蔽矣。上曰。人主以天下之耳目爲視
聽。則是非無所隱。而賢否自見。昔唐玄宗內惑於聲色。外
蔽於權姦。以養成安史之亂。及京師失守。倉惶出幸。雖田
夫野老。皆能爲言。其必有今日者。玄宗雖恍然悔悟。亦已
晚矣。夫以田夫野老皆知。而玄宗不知。其蔽于聰明甚矣。
使其能廣視聽。任用賢能。不爲邪妄所惑。則亂何從生哉。

○歷行人司馬正七品左右司輔爲從七品行人爲正八品凡設官四十員、

先是所任行人多孝廉人才上以其將命四方往往不稱使指至是始命以進士爲之凡齎捧詔敕奉使外夷諭勞賞賜祭祀徵聘賢才賑濟飢荒整點軍馬等事則遠之餘非奉旨諸司不得擅差行人之任重矣

三月廷試進士賜張信等及第出身有差信浙江海寧人○都督楊文魏國公徐輝祖安陸侯吳傑練兵防倭

四月詔陝西乾州立唐忠臣渾瑊祠○更定蕃國朝貢額

激勸成材
之一法而
今不能陶
實舉行矣

五月定武職比試襲職凡內外指揮千百戶子孫未及二十歲者襲職至年二十乃比試年及者即與試初試不中襲職者惟食半俸二年後再比中者食全俸不中者降充

軍○推恩功臣官至二品以上者皆得賜第于無置享堂
樹碑先墓官爲給費○却安南朝貢○詔免孝子郝安
軍役

按安童永州新陽縣人父玄成定遠已卒安童補役以
母老無他兄弟供養且有姑守節老而無依詣關自陳
上憐復
其身

六月 上與侍臣論曰昔楚莊王謀事而當羣臣莫能達
朝而有愛色魏武侯謀事而當羣臣莫能逮朝而有喜色
夫喜者矜其所長則志滿志滿則驕驕則淫佚敗日至矣
憂者憂其不足則志下志下必能虚心而受人則人孰不
樂告以善道故莊王卒霸諸侯以興楚國武侯侵暴鄰國

次運與天
道相循環
人幸而生
其際無所
著述以印
卷 聖司
範養上下
天人各有
餘哉

而魏業日衰。故人君遜志納善。人臣以道事君。則天下之事無不濟矣。

七月 上因改定書傳。謂儒臣劉三吾等。朕每觀天象。自洪武初有黑氣凝于奎壁。今年春暮其氣始消。文運當興。爾等宜考古證今。有所述作。以稱朕意。於是禮遇諸儒甚厚。各賜以綺繒衣被。

八月遣監生人才督天下吏民修農田水利。○詔國子諸生習讀春秋。○詔賜文武百官鈔。命宴于醉仙樓。

時海內太平。上欲與民偕樂。乃命工部作十樓。江東諸門外。令民設酒肆。接四方賓旅。其樓有鶴鳴。醉仙。樓。歌鼓。腹來賓。重譯等名。既而又增作五樓。至是皆成。故有是詔。

九月青州府日照縣民江伯兒以母病割鴈肉食之不愈

乃禱于岱嶽祠誓云母病愈則殺子以祀既而母病愈竟

殺其三歲子祭之有司以聞上怒曰父子天倫至重禮

父爲長子三年服今百姓無故賊殺其子絕滅倫理丞捕

治之勿使傷壞風化遂逮伯兒杖一百謫戍海南因命禮

部定議旌表孝行事例行于天下禮部議曰人子之事其

親居則致其敬養則致其樂有疾則托之良醫投以善藥

至于呼天告神情文懇切之至此爲人子所當爲也臥冰

割股前古所無雖出于後世亦是間見至若割肝殘害尤

甚且如父母止有一子割肝割股或至喪生臥冰或至凍

體禮可以
毀其七其

死使父母無依宗祀永絕反爲不孝之大者此皆愚昧之徒務爲詭異以驚世駭俗希求旌表規避徭役割股不已至于割肝割肝不已至于殺死違道傷生莫此爲甚自今人子遇父母有疾醫治弗愈無所控訴不得已而割股臥冰亦聽其所爲不在旌表之例詔從之○震宇通志書成

按此書分爲八日東距遼東都司又自遼東東北至三萬衛西極四川松潘衛又西南距雲南金齒南逾廣東崖州又東南至福建漳州府北至北平大寧衛又西北至陝州甘肅爲驛九百四十浙江福建江西廣東之道各一河南陝西山東山西北平湖廣廣西雲南之道各二四川之道三爲驛七百七十六凡天下通里總計經一萬九百里橫一萬一千七百五十四里四夷之驛不與焉

勅諭禮部曰自古國家建立法制皆在始受命之君以後

子孫不過遵守成法以安天下。蓋創業之君起自屬微備歷世故艱難。周知人情善惡。恐後世守成之君生長深宮未諳世故。山林初出之士自矜已長。至有奸賊之臣。徇權利作聰明。上不察而任之。變更祖法。以敗亂國家。貽害天下。故日夜精思立法垂後。永爲不堪之典。如漢高祖刑白馬誓曰。非劉氏者不王。以後諸呂用事。遂致改其法。至國家大亂。劉氏幾亡。此可以深戒者。朕少遭亂離。賴皇天眷命。剪除羣雄。混一天下。即位以來。勞神焦思。定制立法。革元弊政。至于開導後世。復爲祖訓一編。立爲家法。俾子孫世世守之耳。禮部其以朕祖訓頒天下諸司。俾知朕立

法垂後之意，永爲遵守。後世敢有言更改祖法者，即以奸臣論，無赦。

十月罷建岷王宮殿。上諭工部曰：邊境土木之工，必度時量力，順民情而後爲之。今雲南土廣民稀，軍餉轉輸，民力甚勞苦。若復加興造之役，非惟時力未可，於民亦有所不欲。岷府姑爲棕亭以居，俟十五年後，民富力紓，作之未晚。爾工部遣人馳驛往諭雲南守臣罷其役。

十一月阿資復叛，西平侯沐春討之，阿資走。○鳳陽府泗州盱眙縣者民劉本等詣闕言：知縣方素易，在職三年，民受其惠。今以母喪去官，乞留復任，從之。復遣使資勅往勞。

良心于信
兩得其所

素易受賜詣闕謝恩復命賜宴於禮部陛辭請歸喪母而後任詔許之

十二月申定皇城門禁約凡朝參午門先放直日都督將軍及應直帶刀指揮千百戶鎮撫散騎舍人然後文武官以次而人不許撓越○女直部野人寇遼東命都督宋晟劉真率兵討之○是年太子太師潁國公傅友德暴卒○定遠侯王弼卒○永平侯謝成坐法下獄死○安南國王陳叔明卒葬于安生山謚曰藝

按叔明明王季子也號恭定孝友恭儉博學明敏裕王立拜為左相尋王大而無嗣廷議立明王也故庶長子恭肅子忘名為王叔明為太師忘名所出不正宗族輕賤之既嗣位居喪不減軍務多愆違賢驛都火人人心

時宗人作亂。捕斬任。並欲盡去陳氏之望。太師行遣
明。登。留之。宗族官僚相繼尋至。勸太師還國。以靖君側。
噉。明。謝曰。諸君早返城邑。善護明君。易致治安。社
稷其死。而受賜某得罪于主。脫身逃竄。待斃山林。幸矣。
豈敢有他。諸君幸勿相迫。衆皆喧譁。逼請就道。遠近歡
聲震天。將至都。老好阮吾師教恭詣于出手書罪已辭
位。已而捧出。迎謝恭肅于伏地請罪。太師仆地相持。慟
哭曰。主上何至此。臣之不幸。豈意有今日也。右相拔劍
厲聲曰。天命討罪。罪人安得多言。相王豈可以煦煦之
仁。失于大義。乃叱將軍快去。臣有可備禮奉太師。即王
位。廢恭肅于爲昏德公。王人城隅。涕泣告曰。今日之
事。非臣意所及。以社稷故。不得辭免。有非忠孝。慚懼在
懷。願自黜尊榮。以少酢素志。乃下令。勿用王車。褰衣服。
器物。黑漆。無以金寶丹朱。其於飲食服用。依前節儉。終
身之喪。歿世無改。乃率胤政。率舊章。明賞罰。用賢良。宗
族男女之孤幼者。盡收鞠養。宮中視同已出。訪其力不
能婚嫁。養送者。助之。米流支派。咸被恩憐。咸里盜若春
和。國人感化。俗習漸有古風。以已子不才。難堪重事。使
弟右相恭宣嗣位。同聽政。是爲廢王。廢王征伐不復。子
覲嗣無道。叔明涕泣而廢之。以廢王小子。廢人嗣位。觀

其一。心。惟。在。社。稷。得。人。有。而。不。與。
大。公。無。我。亦。可。謂。海。外。之。賢。君。矣。